



ル 5
1575
79



八〇五
1575
79

重修安徽通志卷二百四十

人物志

孝友七

甯國府

國朝王孟心宣城人順治初父為賊所劫掠其家挾孟心同父去
中途畱質其父縱孟心歸約輸金來贖孟心鬻田宅馳往賊已
為官兵所偏他遯不得父處將引刀自裁一老僧勸之行踰年
得遇贖父歸家父卒母年八十餘孟心亦老朝夕猶躬自扶持
子孫請代不許甯國府志
方士達旌德庠生母喪廬墓父卒刻像事之事繼母盡孝順治
九年

旌表建坊

江南通志

重修安徽通志

卷二百四十一 人物志

孝友

甯國府

楊茂漸宣城人母卒廬墓哀感行路同邑劉一幹父卒廬墓大

水浸廬抱樹而棲眾勸歸不聽甯國府志

夏曰瑚南陵庠生親歿廬墓順治丁亥水災煮糜載舟沿隄餉

之嘗應闈試諸少年誘登妓樓局戶試之兀如木人江南通志

蔡容宣城人嘗隨父入山遇虎容左右翼蔽以身委之虎搖尾

去父卒廬墓泣血聞者動容甯國府志

劉良俠宣城人弟良偉為賊所掠挺身跡至錢塘及之為賊所

覺縛投江中值漁舟救之得起卒以計攜弟還母病刲股療之

父母繼卒廬於墓側虎豹遠跡甯國府志

馮邦彥宣城庠生父病刲股療之不效夜叩天將剖肝以救忽

聞父呼已霍然起矣及卒廬墓終喪甯國府志

崔芹芳太平人父大鵬有弟大鶚早卒遺孤名維國順治乙酉

邑有奸民煽亂都督帥兵掩捕誤執維國大鵬不忍孤姪就戮

挺身代之芹芳赴軍門又求代父不納遭鎚擊幾斃都督訊得

其情曰烏有孝義之家而從賊者乎俱釋之後父卒哀毀廬墓

三年甯國府志

施烝南陵人十歲時父為賊害烝抱尸哭踊絕而復蘇寇為感

動釋而去乾隆九年

旌表建坊甯國府志

陳尙老太平人兄鶴老死於閩旬資奔喪函其骨歸每止宿淚

漬衾枕比歸嫂焦氏見骨遂以烈殉尙老為合葬之江南通志

湯世政太平人父疾二年不解衣帶處州賊起父不能避世政

號泣闔門以待寇忽至門而返兩臺聞之改其里曰仁孝甯國府志

程順太平人母卒厝柩屋旁事之如生康熙戊子蛟水陡發順

護母棺不能支抱棺痛哭而死甯國府志

王際康字五清南陵人康熙乙丑進士母早卒日侍父寢跣步

不離中衣廁踰身自浣滌父疾禱天求代吏部以中書擬用堅

不赴江南通志

高化龍宣城人祖父因事戍邊化龍閒關萬里尋得遺骸滴血

負歸甯國府志

趙鳴皋字聲九涇縣庠生初應童子試時猝聞縣令傅九鼎死

非命輟府試為發喪弒羅大禍會傅案得直獲免業師施某為

人所誣黜衣巾鳴皋哭旬督學為伸雪父病剖股以進妻張氏

亦剖股飼姑又剖股以療皋病子庠生鍾峻年十五又剖股飼

母一家皆以孝著甯國府志

周之期太平人家貧父兄繼歿竭力奉母孀嫂孤姪皆仰給邑

有兵燹居民皆逃之期令嫂姪先避自負老母行吐血不止且

吐且負得俱脫後血症亦愈年過八十甯國府志

李元美太平庠生性孝友好義子孫遵其訓六世同居食指數

百各務正業不蓄私藏甯國府志

朱之寰南陵人父病不解衣帶數月母病復剖股調藥後母又

染瘋疾侍奉不敢暫離食指數百共爨五世嘗守還遺金捐穀

助賑有鬻妻償逋者亟鬻莊穀贈之俾得完聚甯國府志

崔光太平人祖國屏治家有法百餘口同爨無閒言光守先志

有兄六人獨治家政五世不析產經營義倉歲歉賑給族無饑

饑甯國府志

許兆衡南陵人六世同居雍睦無閒嘗拾遺金百坐待其人還

之甯國府志

張永世南陵人五世同居歲歉恤鄰賑族嘗修治奎湖石路行旅便之甯國府志

梅驥字巨源宣城歲貢母卒殯於內寢事之如生三年中讀禮殯側泣血漬卷皆赤居父喪哀毀亦如之初聘馬氏女得廢疾其家請別婚驥不可踰十餘年病益劇女感激曰不可不絕其望投水死驥傷之更三年年四十而後娶甯國府志

駱佶龍宣城人母卒事繼母如母先是兄弟已析產及繼母生弟位龍父已無產可析佶龍忻然以已產析之後位龍早卒撫其孤如己出族弟羽先孤而貧養之於家為娶婦甯國府志

耿肇邠宣城庠生幼失恃孝事繼母父卒肇邠年已五十哀泣廬墓大雪嚴寒不歸兄弟十人友愛無間老友湯學尹卒子鴻幼撫之於家授以經妻以長女甯國府志

張國維甯國庠生十歲時父繫獄號泣不離兄被盜誣挺身力白冤得雪子班字又超廩生母卒偕弟鵬廬墓國維命之歸班奉木主於庭斷葷酒泣勤三年甯國府志

趙崇庠涇縣人族有與其兄崇襄同名者罹辟嫁禍於襄襄適赴山左有司捕家屬庠出詣獄擬徒襄歸將自陳庠不從遂偕往限滿得釋甯國府志

王養元南陵庠生母病刲股以進得愈兄卒子幼一切俱獨任之弟被誣力為營救不令弟知甯國府志
孫喆宣城人年十二父卒哀毀如成人母歿廬墓三載雍正二年舉孝廉方正授六品冠帶甯國府志

趙維翰涇縣諸生母卒哀毀骨立遂設榻父臥旁二十餘年如一日邑遭水災尸骸枯骸遍野就淤泥檢拾浹旬置棺槥瘞埋

之甯國府志

呂永吉旌德人十歲時父喪明左右扶持跬步不離冬月母病思食鮮魚永吉冒雪覓得魚於冰上人以為異後官太湖訓導士有去思甯國府志

項瑄太平庠生父患背疽晝夜侍湯藥聞呻吟聲跪牀下撫摩

之衾褥虎子躬自洗滌析產推腴取瘠惟聽諸兄之便甯國府志

劉汝鳳宣城廩生性孝友弟卒撫姪如子衣食婚娶皆任之族

黨無後及貧不能葬者佐之姊寡而瞽迎養之甯國府志

胡關華甯國人父疾刲股以進及卒廬墓三年甯國府志

劉正思宣城增生早失怙母病瘡日夜撫摩十餘年不離臥側

及卒廬墓三年甯國府志

張羽太平庠生幼出嗣伯父為後邑有兵躡所後母年老疾篤

羽子身扶持避兵備歷艱險及卒廬墓三年同邑庠生孫時潤

母卒廬墓哀感行人甯國府志

周廷對旌德人早喪父事母孝妻逆母命即譴出之事祖父與

繼祖母視膳問寢久而愈篤祖歿築墳遷母耐葬廬墓三年眾

舉孝行

旌表建坊甯國府志

宋大忠旌德人事祖母與母盡孝數十年如一日母卒廬墓三

年甯國府志

李蔭宣城人事母孝母病刲股以進得愈同邑金守興父疾割

股愈之母疾又刲股進亦得愈甯國府志

方正範南陵人母病刲股禱天求代未幾卒而母愈子二長倬

次伸倬六歲而孤母病刲股作糜不自知痛伸後官汀州奉檄

會城邁危疾子于曝割股飼之頓愈福州守顧倬為作誠孝說

甯國府志

朱飛霞南陵人父病衣不解帶四十餘日齧左臂以進得愈母

病又割右臂進亦得愈

甯國府志

程萬昇南陵人母瞽而病刲股以進病愈而目亦明及卒廬墓

父卒亦如之虎臥廬外蛇繞榻前相習不為異

甯國府志

孫省宣城貢生天性孝友母歿廬墓虎宿於側馴伏不驚兄卒

撫姪如子後選授太康令卒

甯國府志

梅琢成字武修宣城人康熙丙子舉人隨父公車舟泊山東夾

馬營遇盜琢成以身蔽父受刃落水而死盜驚散父得免

甯國府志

胡堯齡字京三涇縣附貢父應試卒江甯堯齡僅十歲兩晝夜

奔赴扶櫬歸母喪廬墓一夕夢大水浸棺覺而徙葬未幾原葬

處蛟起人以為誠孝所感雍正七年

旌表建坊

一統志 江南通志 甯國府志

洪守伸涇縣人母病刲股以進得愈有賊劫其家伸當門泣訴

旬勿驚母使婢子罄所有遺之賊感動不取而去

甯國府志

周日朋宣城人母卒侍父寢處不暫離及卒居殯側三年同邑

劉一韜吳光祚皆以親歿廬墓間

甯國府志

劉子鱗宣城庠生盜以火劫其父子鱗躍入火中請代盜感其

誠釋之

甯國府志

沈廷璐宣城庠生壽民孫也父公厚畱滯於粵吳三桂反滇南

孫延齡據粵西音問不通者八年廷璐稟母出尋曰不得父兒

不歸矣子身徒步出入兵燹行乞哀號者萬餘里踰年得見父

於貴州奉以歸

甯國府志

吳雲龍涇縣人父之瑜明季死節於辰州音久不通有偽作之
瑜書索金三百以償逋者雲龍措金至漢口始得父死狀潛入
其地以金啖土人知埋骨處乃護骸歸復開關至辰訪得母及
姊弟並祖骸挈歸鄉里平居邴族黨助婚嫁又嘗在金陵購地
埋浮櫬百有餘棺涇縣志

湯友太平人其父延師受業夜半賊至眾皆驚避友曰父母與
師在此當以死衛賊隨逸去乙酉冬土盜竊發入友家友升屋
以瓦擊賊呼曰吾父母老爾若驚之誓不俱生一賊自後射之
洞胷死事聞各憲檄師四出盡殲其類甯國府志
胡曾琦甯國人母卒終身茹素嘗承父命遠出忽心動奔歸則
父猝中風得面訣及卒廬墓以哀毀卒雍正八年

旌表 一統志 江南通志

徐強南陵人雍正十三年以孝行

旌表 一統志 江南通志

汪元霄南陵人乾隆二年以孝行

旌表 甯國府志

何繼瀆南陵庠生性孝友歲歉體父志出穀以賑飢者鄉人俞
二曹滿坐冤獄妻子將離析為出貲白之以全其家乾隆四年

旌表建坊 甯國府志

汪觀瀾旌德人父永年旅卒扶櫬歸里俗謂返宅不祥觀瀾不
聽殯於中堂祭葬如禮又善承父志建石梁賑穀給棉不下數
千金郡中試院偏窄率姪輩捐資重建乾隆五年以孝行

旌表建坊 甯國府志

荀士蕙宣城人髫年喪父哀毀骨立廬墓十三載事孀母孝妻

亡不再娶乾隆五年

旌表建坊

甯國府志

孫仲遠南陵增生母卒哀毀父亡廬墓兄為仇陷挺身營救事得白明季大饑傾囊以賑舉家粥食不顧也後舉孝廉方正乾隆六年

旌表建坊

甯國府志

趙敬涇縣人八歲喪父事母孝母性嚴稍有厲色必長跪引咎凡助賑掩骸修學宮置祭器養孀嫂孀妹立孤成家皆體母意為之乾隆十年

旌表建坊

甯國府志

趙明耀涇縣諸生十歲時母疾籲天求代母覺有神扶之病立痊父卒廬墓二年母亡亦如之乾隆十八年

旌表建坊

甯國府志

戴廷瑤南陵人母病刲股以進父患蠱疾又刲股凡五次越五年復疾又屢割以進肉盡骨見人皆憐之同邑陶德澄刲股療母程之鑑刲股療祖母查贊臣刲股療祖父及卒廬墓三年

甯國府志

馮希俶南陵人父病中衣寢褥皆親浣滌久不痊割股以進得愈同邑張文侯農人也母病割股以進服之而愈又吳一開年十五父病衣不解帶割股療之得愈又庠生陶達年十五時母病篤與兄成忠各刲股進得愈兄弟友愛終身無間言

甯國府志

查先登涇縣貢生父疾與妻翟氏各割股以進得愈同邑王世耀嘗剖心以救母得愈

甯國府志

王佩涇縣庠生年十二時父病割左股療之母病又割右股療

重修安微通志

卷三百四十一

人物志

孝友

八

甯國府

之皆愈同邑施雲攀年十二割股療母汪尚鏡年十二割股療

父胡尚策年十三弟尚簡方十歲母病兄弟各割股以進竟不

治哀毀過甚相繼而亡又有王秉政鄭守縉鄭守志查志第胡

天棟洪有彬葉兆恩徐采徐勲徐翱徐原首徐文芳徐鐸徐寬

胡允忠汪尙繪趙廷擢馬廷珍江天訓鄭日霖鄭守中章漆皆

以割股救親聞甯國府志

楊正芳甯國人少時祖病割股療之事親盡孝不少懈至於解

紛恤貧全姻睦族咸稱善士甯國府志

程良振甯國人母病割股及卒廬墓邑令欲為具詳辭曰此豈

可市名者仍構小廬繪圖奉侍甯國府志

徐時寬甯國人父卒居喪哀痛廬墓三年甯國府志

郭冕生旌德人母病割股進之得愈歲歉買米以賑同邑周道

懷父病割肝以進得愈又宋宏鶚母病割股以進父卒廬墓三

年甯國府志

鮑守才旌德人客於蘇母病上胥門城禱神割肝療母死而復

蘇母病旋愈以孝行

旌甯國府志

舒世安旌德人執藝事以養親母病籲天割心破胷見肺乃割

肺昏仆爨下其妹為之和糜以進病立愈父歿廬墓兄弟六人

皆友愛當世安病創時兄弟皆灼艾以分其痛甯國府志

姚天臺旌德人父病齧臂和藥籲天求代得瘥及卒哭泣幾至

喪明同邑王世猷父病割股得愈後復病嘗冀知不能瘳哀泣

欲絕又方逢校十二歲時母病割股以進得痊當歲試出場後

聞父病革星夜遄歸報人踵至眾勸速往逢校曰此何時乃欲

就功名耶遂以招覆不到見遺甯國府志

項聲太平人數歲時父病篤割股以療不愈哀毀欲絕事母極

孝母疾左右撫摩不息及卒居喪一循古制既葬即廬其側哀

感行人甯國府志

程祚太平庠生七歲時母疾禱神求代割股和藥以進得愈後

居喪哀毀骨立三年不入寢室年踰七十見父母遺像猶涕泣

不能止甯國府志

劉允紳宣城人幼喪父對木主時時號泣婦失母意允紳見母

不懌必長跪請罪婦亦叩頭謝母色怡而後起母卒終身無歡

容甯國府志

楊一棖宣城人母病篤晝夜憂泣嘗糞驗之竟不起嘔血數升

一慟而絕甯國府志

萬庸宣城庠生幼失恃繼母性嚴長猶受撻母年八十庸亦六

十餘侍奉無晷夜母乃喟然曰有子如此吾雖無出豈有恨哉

及卒廬墓如禮甯國府志

劉應熙字賡起南陵人光祿楷長子初楷將之官念母老不能

迎養熙甫弱冠請曰大人行矣大母左右兒任之凡侍奉十餘

年父告歸熙始以廩貢教諭東流升知壽陽是年父壽六旬或

促之赴任熙曰奈何以五斗易此一日歡竟以遲限停俸後升

知州卒甯國府志

汪燦南陵庠生四歲喪父繞棺悲號年十七割股療母季弟早

世以遺孤屬燦撫之如子甯國府志

葉正萃南陵人三月而孤母以哀勞致痿痺正萃稍長即扶持

不離跬步及卒廬墓時或大哭人與之語不知也尋卒同邑朱

國賓父卒廬墓三年母卒葬繁邑結廬其地守墓三年

江南通志甯國府

秦柄芳南陵人母疾割股不愈及卒自傷貧賤喪葬不能如禮

晝出傭工夜則宿墓父歿亦如之竟以哀毀卒同邑庠生俞一

鷗父母繼歿前後廬墓六年泣血茹素事庶母尤謹

甯國府志 吳尚灝南陵人父母繼卒廬墓不歸

何士閔南陵人有族何滿者盜葬其祖母冢士閔訟之官三年

不得直撫憲檄南繁二邑會勘滿健訟事仍未白士閔大慟觸

碑而死令義之勒滿起棺題曰義士何士閔墓

一統志江南通志 葉大雯南陵附貢侍父疾數月不解衣帶弟早卒撫其遺孤如

所生嘗捐金三千修邑明倫堂歲饑捐賑每費千金皆承其父

志為之

張裕南陵人祖病革父明經忠義籲天求代裕方八歲泣曰父

不可死兒願代父以代祖隨向天密禱未幾果病家人強以藥

吐弗咽曰祖未痊吾何藥為且吾業告天矣垂死囑人曰毋令

祖知

江南通志 陶性南陵廩生父病籲天願減己算父旋愈居喪哀毀茹素三

年不入內室友愛兄弟析產讓腴歲饑鬻產以賑有鬻妻者為

出資全之

甯國府志 汪炳南陵武舉母病割股以進得愈弟卒姪貧分己田與之歲

饑賑穀數百石

江南通志甯國府志 朱懋升南陵人父病隆冬思食鮮魚懋升不避冰雪百方求之

數日有人持雙鯽至喜而歸予之值忽不見眾異之父卒廬墓

三年母病瘋與妻奉侍不離寢處者二十餘年

甯國府志

重修安徽通志

卷二百四十一

人物志

孝友

甯國府

秦炳南陵庠生七歲失恃一慟幾絕父患膈病亦不食及卒廬墓先已析箸兄卒子幼復合爨撫之成立歲歉鬻產以賑甯國府志徐可椿南陵人母病瞽朝夕以舌舐之三年復明及卒廬墓六載猛獸俱馴同邑庠生劉鏘九歲誦孝經卽知籲神以延親壽母病垂危泣禱身代得痊人以爲神祐南陵縣志翟時邦涇縣人操舟爲業性孝父母反目誓不共食時邦泣諫父怒撻之卽設兩爨竭力供食父母繼卒自初喪迄禫祭哀感路人乾隆三十七年

旌表建坊

甯國府志 涇縣志

汪九璽涇縣人父卒孝事嫡庶二母撫育三弟成立嘗山行遇虎弗傷三人並坐樹下雷發二人死九璽獨無恙左右鄰遇火璽廬獨完人以爲孝感乾隆三十九年

旌表建坊

甯國府志 涇縣志

趙善彩涇縣庠生少喪父哀毀如成人事母孝終身孺慕事孀嫂以禮教幼弟成立乾隆四十六年

旌表建坊

甯國府志 涇縣志

鄭乾祥涇縣庠生八歲時父患瘵痺食必以箸進之冬更溫之於懷父卒恐觸母悲日至野外痛哭忌日上食哀如初喪同邑諸生鳳天祐父病十七年日侍湯藥跬步不離及卒哀毀骨立

甯國府志

章元祀涇縣人父母早亡祖母病瘳不能行扶掖左右不離者二十餘年及卒廬墓同邑汪子杞年十五父卒結廬墓側曉歸供母晚復至廬徹夜痛哭如是三年母毀其廬乃歸又鄭鍵梅輅趙懋貞趙汝澤皆以親歿廬墓聞甯國府志

馬三錫涇縣貢生善事繼母能先意承志母目盲偕妻每夜虔禱達旦忽漸明同邑包大典母病目盲日夜虔禱亦得復明甯國府志

鄭一左涇縣人同弟一右皆業樵父遠賈死於外兄弟往尋於

荒山亂冢間號泣八晝夜夢神告以柩處得攜骸歸甯國府志

陳本森甯國人事孀母孝母中風臥床幕十二年本森夜不解

帶就牀下席地而睡不暫離甯國府志

戴若溱旌德人生二歲父遠遊不返若溱採樵養母年二十三

母卒泣曰兒不敢遠出尋父者以母無所養也今復何待耶遂

哭母墓而行訪數年遇鄉人言其父滯淮安至則其父已歿乃

慟哭扶柩歸與母合葬甯國府志

姚紹青旌德人性孝友妻亡不娶育弟姪使得成立親卒廬墓

後年九十猶策杖登山墓祭甯國府志

章有才南陵人八世同居內外九十餘口略無閒言騾牛同欄

不相蹄齧甯國府志

楊思通南陵人父病痢侍奉數月暑為蚊咬成瘡不自知又患

痰證臥蓐六載躬濯垢污及卒厝柩舍傍晨夕哀泣母卒亦如

之甯國府志

鄭思海涇縣人七歲時父母不協母欲捐生涕泣抱持得免比

長娶婦偕跪親前委曲求懇得如初居喪哀毀督學姚三辰旌

以孝友維風額涇縣志

張應械字樸林太平歲貢父患癱疾扶持抑搔六載不離左右

及卒結廬墓側三載後即改廬為學舍授徒其中子鍾琬成進

士官河南武安令迎養不赴曰吾不忍一日離墓側也性又好

義修學建書院及宗祠皆竭力捐輸千金不吝五世一堂卒年

九十一

太平縣志

俞翰涇縣人隨父入山虎攫父走翰走擊之奪屍口中撫之痛哭不知虎猶在傍也薄暮翰兄來迎相與大慟虎始徐行兩眼亦若有淚

涇縣志

趙必登涇縣人父早卒家貧不娶擔販養母每出度米薪將盡卽馳歸不以遠近雨雪阻母病湯藥滌器皆親任之及卒殯葬如禮竟無後而死

涇縣志

王道涇縣人兄弟友愛五世同居同邑汪國柱兄弟同居百餘口無閒言

涇縣志

包煥章涇縣諸生至性過人與兄日章五世同居嘗修路築亭以便行旅同邑貢生左天總孝事繼母兄弟同居無閒言邑有

公事不辭勞怨

甯國府志

項懋密太平貢生父在楚患風疾千里奔侍僱舟奉歸父卒廬墓母失明以舌舐之復明及卒廬墓如父嘗於荊州遇水災施棺賑粥造隄築磯捐數千金事載江陵志

太平縣志

六年

旌表建坊

甯國府志

王鬱林南陵庠生七歲喪父慟哭幾絕比長嫡母病疽口吮膿血生母患疾禱天求代及卒哀毀盡禮乾隆三十七年

旌表建坊

甯國府志

朱玉成南陵人家貧百計謀生以供親母歿泣血父歿廬墓三年後以勤儉積資嘗歎曰今雖有餘其何補矣歲歛出數百金

以賑卒年九十八乾隆三十七年

旌表建坊 甯國府志

王之本太平人母病割股以進得愈後卒廬墓野火發去墳不數武之本當火前跪泣風返火熄乾隆三十九年

旌表建坊 甯國府志

秦永芳南陵人乾隆三十七年以孝行

旌表建坊 甯國府志

張燦明南陵人採樵供親甘旨必備父母歿負土營葬蛟發其地獨其親柩無恙乾隆四十二年

旌表建坊 甯國府志

文世震涇縣人八歲時父得癱疾母去而他適震采樵養父抱持便溺者三十三年嘗禱神求佑廟側有虎隔溪人為喧呼震

不知也又入山伐薪心動亟歸火已焚廬突入得負父出鄉人醵金勸娶震佯諾之乃以其金買地葬父祖以上七棺乾隆四十五年

旌表建坊 甯國府志

胡一開涇縣人性孝友父卒母病臥牀尊者三年一開躬侍湯藥衣不解帶平居於鄉黨鄰里家雖不豐而周卹必力與妻洪氏年俱百歲五世一堂乾隆四十七年

旌表建坊 涇縣志

李閔恭宣城人傭工以養母母疾扶持滌穢割股救痊者三次既卒廬墓三年乾隆五十八年

旌表建坊 甯國府志

貢懋昭宣城諸生六世同居嘉慶元年舉孝廉方正不願仕進

二年以孝行

旌表建坊甯國府志

唐昌敘宣城人七歲喪父事母以孝聞盛夏母疾目不交睫者兩月中夜禱天願以身代及卒廬墓三年同邑梅思濟母卒廬墓病甚扶歸七日卒又諸生張光鏞王俊阮維徵皆以親歿廬墓聞甯國府志宣城縣志許以稔宣城農夫四歲喪母即知哀痛十五喪父守墓不歸繼母謂之曰汝不歸吾等皆餓殍矣乃歸勤苦以養為繼母所出二弟完婚娶母疾嘗糞及卒廬墓三年嘉慶九年

旌表建坊宣城縣志

方正明宣城農夫他事無所知獨能竭誠事母母卒廬墓事之如生宣城縣志

何孝定南陵人傭耕以養父母父卒哀痛欲絕母卒廬墓三年

同邑柯學韜母臥病三載湯藥必親視先嘗及卒哀毀父歿廬

墓三載有碧雞黃鹿馴擾墓前人以為孝感甯國府志

張永達南陵諸生早喪母父鰥居且病足扶掖不離者數十年

父歿與母合葬廬墓三年甯國府志

朱武東涇縣人父早卒採樵供母母病扶持滌穢出樵則負以

託鄰回則負歸一日在樵所心動亟歸母已垂絕抱持痛哭復

蘇孝事者又二十載嘉慶三年

旌表建坊甯國府志

王帥涇縣人十歲時隨父謀食異鄉父卒哀慟質身取資以扶視歸主人憐之還其質券而賻焉既歸傭工養母母又得癱疾伏侍便溺不避垢穢及卒廬墓三年嘉慶四年

旌表建坊

甯國府志

查殿英涇縣諸生少從父服賈於外聞母病一晝夜馳三百里歸母卒哀慟欲絕後又孝事繼母父染風病臥牀幕六載服侍洗滌皆躬親父卒柩尙在堂鄰火起呼天長號風返火息嘉慶十一年

旌表建坊

甯國府志 涇縣志

殷燮宣城人幼失怙母歿廬墓三年祖母歿復廬墓三年孝子順孫一身兼之嘉慶十二年

旌表建坊

甯國府志

王百順涇縣人早喪父習皮工以養母母病瘼服侍洗滌數載不懈及卒廬墓哀泣三年嘉慶十四年

旌表建坊

涇縣志

潘周岱涇縣人以竹工爲業孝養父母母家居近銅山病甚思飲銅山泉周岱立取汲往返四十餘里踰時而至母飲之立愈及卒哀毀廬墓三年父卒亦如之朝出執藝夜歸宿廬嘉慶二十四年

旌表建坊

涇縣志

洪維陶涇縣人父往蜀久無音耗陶年十五辭母出尋不值而歸母病刲股以進及卒廬墓三年囑妻以祀先訓子遂更入蜀訪至峩眉終不值以勞瘁死於川

涇縣志

葉際時涇縣監生年十三父病刲股以進得愈同邑徐義陳顯炤曹汝植汪從賡馬學鼇馬學法馬學種吳祿洪國器查咸甯查書山查思銳查崇繡查思銀查思湛包德音卞元善潘守禮潘茂啟吳廷瓚吳涓謀董矍聖王添球皆以親疾刲股聞

縣志

趙友相涇縣人父母卒廬墓三年同邑吳德祚王經大馬謙尊

周汝甘潘懋順查世祝皆以親卒廬墓闕

涇縣志

翟彩令涇縣人五歲母亡父病癱因乞食以養父族人樹滋憐

而養之并衣食其父及年十二謝去曰吾可以力養矣乃採薪

販菜得錢即市甘旨以進父性躁有怒即長跪以頭撞地及卒

哀毀合葬於祖父之側墳塋皆自負土為之

甯國府志

程家極旌德人幼失恃繼母育之母病割股以進母愈而創血

不止六日而死同邑趙友調父病噎割股以進得愈又郭宗瓚

朱必德汪濬鮑義郭美玻周廷恆饒日坦皆以割股救親聞其

以廬墓聞者又有呂立祚朱一造趙國柱趙善材等

甯國府志旌德縣志

志

譚學精太平人父母病兩次割股同邑李俊譚宗明陳曾胡昭

先程廷景焦采王令備王曾華杜廷翰王大煥李士邦譚道進

葉世著章元傑方三生程一仁汪君簡周承雲周國玉皆以割

股救親聞

太平縣志

汪興老太平人家貧採薪以供母及卒負土成墳露立冢側眾

為結茅居之同邑趙安邦項惟模杜文端方鎮邦皆以廬墓聞

甯國府志

楊岳甯國諸生父歿苦臥柩側三年母歿亦如之與其弟三人

友愛甚篤七世同居

甯國府志

王煊涇縣人五世同居人無私蓄族無閒言嘉慶甲戌旱以祖

遺資捐千金助賑又捐田以入宗祠備祭掃

涇縣志

翟廷璽涇縣人嘗割股以愈親疾性又喜施捐千金入宗祠助

興文會

甯國府志

翟守燧涇縣人祖灃以孝友聞守燧生有至性父病風奉侍湯藥衣不解帶者十年及卒哀毀骨立兄弟共爨數十年無閒言同邑曹喬遷七歲誦詩至蓼莪即知悲泣會父遠出祖年八旬患病委頓喬遷衣不解帶者經年以孫代子尤為人所難能

涇縣志

崔正在字學三太平人家貧養親必具酒肉自與妻子則咽糟糠高曾以下獨力營葬不委羣從有總麻弟死婦他適撫其遺孤長為完婚又嘗創立義倉以賑族貧助課經堂費以端士習

崔頭師水齋文集

新增

查思詡涇縣人父疾衣不解帶者九載及卒廬墓三年又嘗倡建祖祠置祭田興文會助考費孝義兼至

甯國府志

張一材宣城人五世同居父卒哀毀廬墓三年兄弟友愛族無

閒言

宣城呈册

張佐宣城貢生孝事父母及卒廬墓五年又承父志造橋修路施藥施棺義無不為又嘗捐金創修敬亭書院

宣城呈册

張之濤宣城人父母繼卒廬墓三年以孫桂榮官

贈奉直大夫

宣城呈册

崔汝瑚太平諸生侍父疾衣不解帶及卒哀毀骨立廬墓三年性好義運石砌高嶺獨建洋溪橋費千金歲歉平糶輸田入學義行甚多後以事遠出聞生母喪奔歸以不及含斂嘔血數升遂卒道光元年以子駿官

贈奉直大夫

太平呈册

方鵬飛太平諸生性孝友年八歲父病亟祈天願代母目盲跪

而砥之年餘復明弟食指眾遺產悉以讓之又好義完人婚娶代償逋欠修橋路掩遺骸善行甚多嘉慶十九年准祀孝義祠

太平縣呈册

趙希蛟字伯蟄太平人鄉飲賓性至孝母病刲股以進及卒廬墓三年弟姪同居數世無閒又嘗捐千金建宗祠其他置義冢創家塾完婚娶修橋路義行不可勝紀嘉慶十九年准祀孝義祠

太平縣呈册

李文楷宣城人嘉慶十四年以孝行

旌表建坊

善志

江奎旌德人孝友慕義族里稱之嘗欲建支祠營義冢老不及舉至孫淦泐克成厥志嘉慶十七年以孝行

旌表建坊

甯國府志

戴兆笨旌德人道光三年以孝行

旌表建坊

善志

劉邦錫南陵人父病刲股和藥以進得愈冬月積雪父思鮮魚邦錫往求見池冰有穴探之果得鯽四尾以獻

南陵縣志

曹雲翰南陵諸生親卒廬墓三年同邑楊志趕親卒廬墓三年卒於廬所

南陵縣志

謝永棣南陵人昆季分爨推腴取瘠父病禱祈身代母嬰末疾扶持三年不解衣帶偶外出室遭回祿突入負母出而母竟以驚卒永棣哀毀火瘡迸裂亦卒

南陵縣志

秦穎南陵庠生少失怙恃其叔撫而教之穎事叔如事父叔病侍藥衣不解帶及卒廬墓哀奠暮年遂卒於墓所

南陵縣志

張大勳南陵貢生父母歿哭奠三年兄早世撫姪如子歷任鳳

陽府及石埭潛山廬江諸學訓迪士子必先道德而後文藝學者稱仁孝先生南陵縣志

孫瑞南陵人年十一喪母朝夕往哭於厝所父病不食瑞亦不食侍奉湯藥衣不解帶兄卒諸姪俱幼教育授室俱得成立南陵縣志

阮相南陵人父卒廬墓三載朝夕哀思竟以毀卒南陵縣志以上舊志

旌表

科鈔以下新修

周賢朝宣城人道光年以孝行

吳承貴涇縣人道光年以孝行

旌表

科鈔

王有慶字維章太平舉人居家孝友父病禱代推產讓兄北行有還金事道光元年舉孝廉方正六品頂戴知縣改來安訓導

升廬州教授著有盟心錄太平縣志

胡承麟字獻祥宣城人幼孤傭工養母母卒廬墓三年宣城縣志

劉正采宣城人道光元年廬母墓終喪猶毀將卒屬家人為葬

母側焉宣城縣志

蕭璿璣涇縣庠生親喪廬墓三年祀府孝子祠涇縣志

查華山涇縣人業農少孤事母至孝及卒守墓三年已

旌表

涇縣志

章復祚涇縣人少孤貧業賈母疾棄業歸及歿廬墓三年祀孝

子祠涇縣志

潘懋順涇縣人母歿廬墓三年卒於墓側建有坊表涇縣志

翟一綬涇縣人父卒廬墓三年又翟守鑲父母相繼歿廬墓四

年翟宗武廬父墓三年承父志多義舉徐可忙繼母卒亦廬墓

三年涇縣志

馬肇勳涇縣舉人父母歿各廬墓三年涇縣志

范達聘南陵人母年八旬患痿痺時聘亦五十餘歲侍藥浣濯

臥寢側數載及歿廬墓三年又沈岸如廬母墓三年沈鍾林廬

母墓二年卒南陵縣志

戴良璞旌德人母病目不交睫累月及歿遇朔望必詣墓哭數

十年不衰事繼母如母父患目眇每晨含液餵之愈迨歿廬墓

三年旌德縣志

汪廷輔字日三旌德庠生母病年餘侍湯藥無懈及歿廬墓三

年旌德縣志

項世璜太平監生廬父墓三年獨建漢阬口石橋助修學宮試

院義學族建義倉捐千金親見五代卒祀孝義祠太平縣志

崔時四太平人幼喪母父痿家貧負擔以養出必具陳需用娛
戲之物歸必供酒肉整衾侍寢如是者三十年父歿廬墓三年

太平縣志

張天意太平人九歲通孝經年十一父母疾侍湯藥不懈父母

卒廬墓各三年太平縣志

曹澤秀太平監生七歲時聞父病客地馳往侍疾中夜跪禱父

卒扶櫬歸殯哀毀骨立事母先意承志修墓施棺捐助祠墓道

光甲申庚子辛丑三次捐賑母歿廬墓側太平縣志

項鳳翥太平監生侍父母疾閱時久不懈及歿廬墓三年舉孝

廉方正又州同李連枝廩生胡泰昇民人胡有能並廬父墓三

年孫菜花守母墓三年太平縣志

陳鍾英涇縣人廬父墓側賊至自經又王雙全母卒廬墓賊至

重刊... 卷三十四
被害涇縣志

趙恆祥涇縣人父早世家貧傭工養母母卒廬墓三年咸豐六年賊至祥守墓不食而死涇縣志

孫元鼎太平監生陳宗彝州同俱父病刲股以愈及歿廬墓三年又監生方瑾標母歿合葬亦廬墓三年太平縣志

翟大有左武林俱涇縣人並刲股療母及卒守墓三年涇縣志湯炳榮涇縣人父病刲股及卒廬墓三月以奉母歸母病亦刲

股卒後廬墓三年涇縣志胡椿齡涇縣人事嗣母孝母病刲股以進及卒廬墓一夕山水陡發椿抱棺號泣諸木石盡拔獨墓前無恙涇縣志

馬國彥涇縣人母病刲股和糜以進尋愈逾數年母歿毀卒又吳天權趙春度葉安品翟古吳振綱曹德裔張學澍查德燧俱

母病刲股涇縣志

邵逢源涇縣人母病篤嘗糞投藥不效刲股進尋愈涇縣志方大朋涇縣人刲股療父病母病亦如之又左文燮亦父病刲

股涇縣志張希懿涇縣人七歲喪父哀毀如成人年十三母患沈疴刲兩股以進病少痊及卒水漿不入口數日旋卒涇縣志

查文德涇縣歲貢有至性刲股愈母疾涇縣志劉宏霧劉大麒南陵人俱刲股療母大麒時方十歲南陵縣志

管南南陵貢生家貧授徒奉母必備甘旨及疾刲股和藥以進尋愈後居喪哀毀茹素三年兄弟族黨有空乏者嘗出館穀周

副之南陵縣志周垂廣甯國人母患足疾恆負之出游及病篤刲股療之叔父

目瞽無子廣養之終身甯國縣志

徐克章甯國人年數歲母病割股以進後其子義亦割股療母

甯國縣志

汪有濬旌德人年十歲母病侍牀側兩年及歿哀泣不輟侍父疾衣不解帶數月割股和丸以進尋愈道光十六年

旌表祀孝義祠旌德縣志

王汝旌德監生母病割股雜藥以進尋愈管表鑰父病郭良順

母病俱割股療之旌德縣志

梅植賢旌德人侍父病數月割股和藥飲之愈事繼母如母積

財分給諸姪子無私焉旌德縣志

梅文開旌德人少失母事繼母孝割股療疾咸豐丙辰出廩賑

饑運米平糶輸練費三千金旌德縣志

杜有度太平人母病兩次割股和藥以愈二弟鳶飛承志同時

割股後承志卒鳶飛哭喪明人稱一門孝友太平縣志

杜遠巖太平人父病中夜思肉巖剝股為膳遂痊太平縣志

杜雍林太平農人母病篤割股和藥以愈太平縣志

王宏合太平人母疾割股以愈又曹潢張國永邵聚春謝旺宗

崔振鐸崔鳴順俱母病割股王又新父病割股以進獲愈咸豐

六年賊至自縊死又胡有榦杜應月程德華監生崔廷挺俱父

病割股太平縣志

崔鳴濤太平人母病割股以進尋瘳咸豐十年從官軍堵禦堯

嶺獎六品與賊接仗陣亡太平縣志

孫元輔太平監生兩次割股愈父母病及父母歿終喪不入內

寢齧指血繪像於室事之太平縣志

孫尚文太平監生父母相繼病危封股以進隨愈母復瞽出入扶持二十餘年後賊至被害太平縣志

崔有鐸太平人母病劇剜股和藥以愈負親避賊山中以求甘旨出遇賊不屈被害太平縣志

崔炳章太平人從九品侍母避寇山中久之糧絕剜股奉母尋俱以餓死太平縣志

王宗林宣城人負母避亂顛沛中未嘗缺甘旨及母卒廬墓終喪太平縣志

張禮登宣城人事母孝賊至泣求免母得弗殺後母卒不食死宣城縣志

吳學翼宣城監生賊執其父乞以身代既免乃死之宣城縣志

胡世班涇縣人賊執其父牽衣力爭得脫世班死之涇縣志

舒之友涇縣人賊執其父之友擊賊鬪死父得脫涇縣志

查光樑涇縣人賊至侍父不避同時遇害又查得基查金芳監生查光宙翟其賢俱以護母不避遇害王道應救母得脫已死涇縣志

賀宇旌德人傭工事母甘旨不缺後負母避賊為追騎所及遇害旌德縣志

蘇端華太平人奉父避亂遇賊索金華給以貸金脫其父度離遠罵賊被害又崔小江父被賊執代死以免父太平縣志

張先修太平人賊猝至負母逃妻行遲被害修慰母曰兒婦死無他慮矣赴大通負販供母太平縣志

胡同揚太平人咸豐十年遇賊執母乞以身代賊殺之母得免太平縣志

崔國載太平監生賊執父乞身代不許遂力鬪而死父乘閒得

脫事聞

旌卹太平縣志

林恆美太平增生賊執母求代得釋挾恆美去遂自剄咸豐六

年

旌卹太平縣志

胡兆熊太平貢生遇賊欲刃其父大慟願以身代兩舍之太平縣志

崔炳華太平人父彬刺死賊酋潛匿被獲炳華號泣代死彬亦

遇害太平縣志

周公淑太平人寇警侍母病不去遇害太平縣志

崔有康太平人從九父國玖禦賊殉難有康持挺殺賊死之又

林恆足救母殺賊自刎太平縣志

崔國燧字瑜軒太平人勸母遇害嘔血不食死太平縣志

陳以銘字用民太平副貢候選教諭以辦團加五品賊至父為

所創銘以身扞蔽受重傷死越日父歿母亦絕食以殉事聞

旌卹太平縣志

崔青雲崔良居太平人父國常罵賊死青雲兄弟奪刀奮鬪殺

賊數人而死太平縣志

崔君賜太平人少孤事母至孝扶母避賊山中日久乏食乞糶

作糊供母自餓三日咸豐十一年遇賊不屈死又庠生張錦溶

監生崔祥楠從九胡履誠及周祖祐張承佑王祥察方昭映崔

登桂崔登瀛孫良棟崔國咸李懷邦俱以護母被害太平縣志

崔祥樹太平人賊執父乞以身代父脫去樹不屈死又庠生張

超趙介民人王昭事張先鏊李宗烈李本章孫觀治俱以救父被害太平縣志

朱宗道涇縣貢生年十三赴太平府扶父櫬歸侍母疾三月形毀骨立及卒水漿不入口五日遂歿建有坊表涇縣志

潘兆全涇縣人母疾篤禱以身代未幾卒同治六年旌表涇縣志

趙喬如涇縣監生負母避亂病卒喬守棺不食死涇縣志曹連喜涇縣人父雙瞽出入扶持必謹後隨父渡河父溺連喜入水救之起力竭而死涇縣志

汪炳文旌德人母病妻煮粥未融出之外自執爨數載後賊至母病方篤勸兄率妻子先避己獨留侍母歿遇賊不屈死旌德縣志

江錫齡旌德監生父歿哀毀八日卒旌德縣志

旌表太平縣志

崔永錫太平人侍母罔懈冒雨雪走百里延醫禱以身代目不交睫數月及卒一慟而歿年二十五咸豐年

胡同沅太平人哭母成疾父歿歐血死太平縣志

王蘭科太平人幼孤朔望必奠父冢鬻薪養母宅災冒火負母出俱無恙太平縣志

崔祥松太平人扶母避賊山中采筍度日後母死葬畢痛哭而死太平縣志

劉諸馮南陵諸生母老有殘疾起居需人諸馮侍臥側者十九年家本貧勉助族人婚娶殯葬凡二十餘事南陵縣志

周文郁字綱齋甯國廩生家貧父病調治五載不懈居母喪哀毀成疾祖產悉讓諸兄舌耕自給姊妹夫亡文郁撫孤寡俾

完其節

甯國縣志

胡有勤太平人侍父疾數年不懈賊燬祖先堂抱木主死

太平縣志

周錦書太平人母患痼疾負臥起二十四年

太平縣志

徐鏞字味辛宣城庠生事繼母極孝一日妻具食鏞見奉母者

不如己乃易之遂終身不入室母病痿躬親侍奉不離左右及

歿哀感途人

宣城縣志

洪有范涇縣人少孤事孀母孝母思食鱒魚徒步二百餘里至

池州市歸諸昆弟多不節范躬率儉約均感化改行

涇縣志

朱寵字錫三涇縣進士少孤貧母以鍼耨供讀書衾絮舊將易

之而母卒寵遂終身不用新絮

涇縣志

仙貽湛一名佺字露文甯國人事母至孝母歿哀毀寢苦食糲

三年年七十五端坐而逝

甯國縣志

周垂珩字德音甯國人周啟楹子生有瘖疾仁孝多慧父隱居

愛宣石瘿木靈藥奇珩皆多方力致之母病需真朮珩入山

二宿而得父歿遺命珩子讀書遂盡質田產為從師資卒成子

名慰父志妻胡亦慈惠自損以濟人道光己酉水災典衣簪賑

饑同治初避賊困山谷中絕糧五十餘日餌松花粉竟無恙

甯國縣志

趙樹棠甯國諸生父病瞽晨夕齋禱自責誓終身戒殺以贖父

目三載不懈父目復明

甯國縣志

何茂順甯國人力田事親定省惟謹與兄弟終身無忤色

甯國縣志

江逢囑旌德監生少貧采薪供甘旨親歿歲時祭必哀不自勝

嗣服買少裕族中孤弱咸賴以成立

旌德縣志

江導岷字蓬山旌德增生年七歲讀論語告人曰為子當如閔

子騫親病侍湯藥不懈每夜必焚香禱祝及孤見手澤輒悲咽

以母言焚借券千金

旌德縣志

方鳳翔太平監生繼母盲鳳翔必手進飲食妻感其誠孝亦扶持不敢懈母年九十餘尚健鳳翔年七十先卒目不瞑子穀等

跪祝體志孝養祖母乃瞑

太平縣志

項樹槐太平庠生親歿三年不入內室事兄如父事必稟命而

行

太平縣志

項一鍍太平監生母歿哀毀骨立父疾侍湯藥三年不懈事寡

嫂如母撫孤姪猶子

太平縣志

項瞻雲太平庠生事嗣母孝養備至母歿水漿不入口數日兄

有重負嚮己產償之

太平縣志

譚光泉太平人事父母以孝謹聞尤愛弟所置田廬聽其自擇

里中火及光泉門自熄人謂孝感後以罵賊不屈死

太平縣志

張文安太平庠生父母相繼歿不入內室六年弟文寶多疾百

方治療不起撫幼姪如己子焉

太平縣志

程棟九太平人六歲時父遠客不歸及長辭母尋父徧秦晉楚

豫三年不得至蜀遇長者題詩有大路逍遙足何曾做語聞大

足縣有大路鋪乃訪之果得父歸

太平縣志

鳳懷仁涇縣人兄儀廷有廢疾率子姪侍湯藥七年不離左右

涇縣志

王霖旌德監生兄病侍湯藥嗣被冤繫獄霖挺身願代卒獲昭

雪以捐輸軍餉議敘布理問銜

旌德縣志

周潮太平人從九品兄弟六人三十餘口同居無閒言弟瀚被

賊縛去潮冒死奪歸

太平縣志

崔高會太平人葬高曾以上四代棺舅氏外舅姑諸姨之年老無依者迎養於家歿為葬祭子映暉總角知敬讓事兄錫鉉如父以五千餘金讓之他善舉尤多

太平縣志

重修安徽通志卷二百四十一

人物志

孝友

池州府

唐費冠卿字子車青陽人元和二年進士聞母病革馳歸而母已葬遂廬墓終喪隱於少微峯下御史李行修薦其孝行拜右拾遺冠卿嘆曰得祿養親耳親喪何以祿為再詔不起

一統志

何澄粹池州人親病日瘳俗尚鬼病者不進藥澄粹剔股肉進親疾為瘳後親歿伏於墓哭踊無數以毀卒當時號青陽孝子

唐書孝友傳

周繇字為憲至德人咸通進士僕射王徽稱其孝友可以表俗奏為至德令與弟繁俱以奏賦得名時稱二周

摭言

宋方綱青陽人八世同爨家屬七百口居室六十區每旦鳴鼓會食嘗出稻五千筭振貸貧民景德二年轉運使馮亮以聞詔旌其門侍御史韓億安撫江南使還言綱家稅籍錢四百餘千米二千五百斛同居四百年而本縣科率一無寬假望蠲其戶雜科詔從之宋史本傳

陳讚青陽人父叔漢元豐間官池州僉判卒葬於池讚廬墓不去遂家焉青陽縣志

諸大道青陽人嘉定間博士父信令青陽卒葬九華大道廬墓三年遂家焉明初廬猶在壁間有常遇春題詩池州府志

余起銅陵人一門義聚至千三百餘人同爨而食子孫多以科第顯萬姓統譜

鍾儁銅陵人官祕書郎其先自唐時至儁十一世同居合家眾

七百餘口朝命獎其義江南通志 案銅陵縣志引 萬姓統譜廣輿記作阮鍾儁

葉蒼貴池人母九月病渴思生李蒼走矢園中忽從葉底得雙李以奉母病即愈人以爲孝感江南通志

汪與成銅陵人建炎初遭寇亂一家盡斃後與成得父屍改葬念尚不得其母骸刻木肖像侍之十年而耐於父之墓江南通志

柯應烈建德人性孝嗜學母閻氏病不解衣侍湯藥癰瘡盡瘁每夕露禱減算以益母壽俄聞空中有聲許特延一紀母痊果

十二年而後歿時江淮盜起應烈傾家資募義勇鄉里賴以安有欲官之者辭不受萬姓統譜 江南通志

元李鵬飛貴池人生母姚爲嫡母不容嫁之朱氏鵬飛初不知既長思慕哀痛誓學醫以濟人願早見母行求三歲至蘄州羅

田縣得之時朱氏家方疫鵬飛起之遂迎還奉養久之復歸朱

氏時渡江省覲既卒歲時攜子孫祭墓終其身以有司請旌其

廬元史羊仁傳

方時發字子春青陽人綱之後累世同居一依綱家法為義門

達嚕噶齊史午聞於朝旌門綱役至正二年敕授潮州教授元史

孝友傳敘 萬姓統譜 江南通志

何辰乙青陽人延祐中以孝旌建有純孝坊青陽縣志

明何子敏青陽人與弟子芳子英相友愛洪武時子敏以遲稅

得罪芳代之就獄英亦隨往並死於金陵青陽縣志

陳璋青陽人事親孝父母歿俱廬墓三年池州府志

章仲和青陽人自涇縣徙性至孝母卒負土成墳廬墓五年池州府志

府志

童彥方建德人洪武時五世同居同邑徐永元六世同居建德縣志

二年出穀二千石助賑旌為義民江南通志

何永敬建德人七世同居成化閒旌為義門明史孝義傳敘

姚曠貴池人少孤事母孝一弟早夭曠恤養撫孤不析爨者三

世母疾徧禱諸祠請以身代母隨愈而曠竟以卒一統志

桂士訓石埭人祖父母及父病士訓皆割股進俱得痊江南通志

陳廷裕石埭人幼育於祖母祖母病割股療之同邑章友恭母

病割股以進遂痊後官福州左衛經歷江南通志 池州府志

楊永顯石埭人母病割股以進得愈家極貧父母卒負土築墳

不離墓側

國朝乾隆二十年

旌表建坊江南舊通志 池州府志

方時潮貴池人兩割股以愈親疾親病目舐之復明事聞得旌

重修安徽通志

卷二百四十一

人物志

孝友

三

池州府

同邑王文元親病割股以療及卒廬墓不歸天啟二年旌池州府志

縣志

王學詩貴池人嘗割股愈母疾推宅讓弟而結茅以處當貢以親老不赴廷試同邑陳光祥割股愈親推所有田廬讓弟後授

州幕親老不之官池州府志

程璋青陽人母早寡遺腹生璋及長痛母節未彰正德中徒步

詣京師刺血上疏特旨旌表江南通志

章忠銅陵人母病割股療之及卒廬墓十二年兄嫂客死京師

徒步往扶其櫬歸合邑義之江南通志

王萬年銅陵人兩割股以愈母疾父母歿俱廬墓三年同邑余

繼亮亦兩割股以愈親疾江南通志

袁惟儒銅陵人年十五割股療父疾後惟儒老病子一貴亦割

股療之江南通志

沈大良石埭人三割股以愈親疾父母歿各廬墓三年同邑李

郁父疾割股以進得痊池州府志

李源建德人父病割股以療得愈及卒廬墓三年同邑柯極林

割股愈祖母疾又江景德割股愈父疾母病目舐之復明及卒

廬墓刻木為像朝夕哭奠三年不輟江南通志

曹奎建德人父母早歿與兄煥理相友愛奎病煥理割股和藥

以愈之奎與同里柯薌同舟薌溺水死奎沿江哭以求之薌尸

忽躍出奎收葬之池州府志

柯達建德人母病割左股以進父病割右股以進皆得愈及卒

皆廬墓三年萬曆間旌江南通志

葉宗泚路執中何廷元皆建德人俱以割股救親聞池州府志

宋益宗東流人父病刲股療之得愈同邑蘇光翰兩割股以愈

親疾又宋楨母疾割股得愈江南舊志

邢守義東流人本養子母疾刲股以進得愈池州府志

張采東流人割股以愈母疾後采病其子有祐亦刲股二次愈

池州府志

江有鯉東流人親歿廬墓三年池州府志

李希仁青陽人少孤事母孝及卒廬墓三年正德中以孝旌明史

孝義傳敘

汪相貴池貢生母歿廬墓三年墓產紅芝後歷官東化知州有

惠政同邑庠生方遵聖母卒茹齋廬墓又張大甲母年百歲卒

大甲年已八十猶廬墓三年池州府志

梅逢泰貴池人客新安忽心痛曰吾母得毋有不安乎乃星夜

歸省而母已不起逢泰慟哭成禮廬墓三年同邑吳涑居母喪

日作孺子泣廬墓三年遂遭疾卒又舒玠父歿廬墓哭聲遠聞

至禫不衰山多虎玠廬三年虎遂絕跡池州府志

孫愨述字清華青陽人居喪哀毀廬墓九年有馴雀之異郡邑

屢舉孝子以貢歷忠州學正署州事值懋會之亂有守城功江南通志

通志

吳景良青陽人居父喪哀毀骨立母卒廬墓守喪同邑徐中時

陳明慶甯三仁施承詢拔貢陳明條廩生吳名登皆以親歿廬

墓聞池州府志

陳邦騫青陽人父母繼歿廬墓六年同邑陳復源父客死粵東

號泣奔赴扶柩歸而母卒既合葬泣血廬墓二十餘年池州府志

青陽縣志

何應秋青陽庠生事繼母孝及卒廬墓三年青陽縣志

陳希哲銅陵貢生官日照訓導與弟希爵希和兄弟皆有孝行

父母卒同廬墓六年池州府志

張懋功銅陵庠生親歿廬墓三年同邑諸生方國輔母卒廬墓

三年又潘南者家貧至孝母歿不能葺廬乃以數席爲蓋棲止

其中三年始歸池州府志

宋鏊銅陵人母歿廬墓刻木肖像事之如生銅陵縣志

夏鎮石埭人父早亡傭工養母母喪明終日以舌舐之而愈及

卒結茅墓側哭不輟聲一日野燒將及其廬鎮伏棺痛哭風返

火熄人以爲孝感江南通志

章文煒石埭人父卒與弟文燧結廬墓側人稱雙孝同邑貢生

桂遠治母卒廬墓後官章邱丞石埭縣志

徐完建德人母早亡孝事繼母盜劫其家執而問其父以刃脅之終不言盜感歎去父歿廬墓三年痛母不逮養刻木以事三年穿墓旁瘞之池州府志

姚鑑建德人母年九十七病疽鑑年亦七十晝夜侍躬浣滌其中裙廁踰及卒廬墓三年池州府志

江大興建德人事繼母孝母病風痺不能行輒背負之侍父疾不解衣帶者數年及卒廬墓三年池州府志

王之光建德石工也早失怙事母孝母病刲股長齋以祈母壽及卒廬墓三年建德縣志

吳永廉青陽人幼失怙晝夜號泣致毀瘠後以輸粟賑饑成化三年旌江南通志

徐昱銅陵人其家千指同爨宣德景泰成化間五捐穀助賑凡

數千斛其他善事不可枚舉

江南通志

袁思瓊銅陵人五世同居獨建明倫堂造橋助賑善事備舉宏

治開旌

池州府志

紀孟綱貴池人事親篤孝淡於榮利有司薦之朝以親老不應

江南通志

吳徹貴池歲貢事繼母盡孝兄弟五人友愛甚篤同邑諸生檀

世仁以母老研究方書親調湯藥夜則焚香禱天及卒哀毀動

人

江南通志

沈唐恭石埭人事繼母至孝兄武恭以誣繫獄論死痛其無子

詣獄代繫以出其兄適大盜劫獄囚俱逸出唐恭獨畱郡守義

而釋之

江南通志

胡大武貴池人嘉靖中貢入太學聞母薨馳歸朝夕不離母側

者八年母目復明後為永定知縣踰年歸子潛侍父疾二年不

解衣帶居喪三年未嘗見齒親柩在堂火災延及同妻陳氏撫

棺大哭忽反風滅火人咸異之

一統志 江南通志 池州府志

葉叢椿貴池人事祖母父母盡孝兄嫂早逝撫孤姪成立既娶

而歿復撫其孤嫠人皆賢之

江南通志

陳鏞青陽人性至孝三月閒母患熱疾思冰不可得鏞夜半走

九華深谷中得之以進母遂痊後病作鏞嘗穢以驗瘥劇母歿

哀毀卒

國朝乾隆十三年

旌表建坊

池州府志

周聘青陽人父母歿終喪不離苫由析產讓肥取瘠欲耐父母
於先壟宗人難之聘以大事未襄六年不除衰絰宗人感而許

之池州府志

袁德厚青陽人父卒庶母有身而改適及產得男抱歸撫之成立以產授之歲祲出穀以賑池州府志

劉永祚青陽人父光復以挺擊事忤旨繫獄徒跣入京擊登聞鼓願代父罪三疏不報痛哭而卒弟蔭祚復上疏請代閱五年

光復得釋池州府志

劉襄祚光復少子父歿年甫七齡號泣如成人事母孝母卒晝喪盡禮御賜忠孝友愛人家扁額以旌其門青陽縣志

廖廷皓貴池人一日方在田母為虎尾急追力救得脫乃負而歸以口吮母傷處吐出毒水數升數月母子創皆得愈江南通志

胡守庸石埭人兄遭誣遣戍守庸泣曰兄未有子因請代繫獄未遣身亡事亦旋白池州府志

湯之京石埭人母歿甫八歲卽涕泣廬墓董其昌書孺慕二字贈之天啟時父卒廬墓得旌甲申後棄家不知所終池州府志

高子建德人年十三同父刈粟父為虎所得卽奮前以粟籃抵虎口虎垂頭去父得免建德縣志

江鯤青陽人事孀母孝侍病衣不解帶居喪不御酒肉置義田建家塾歲饑出穀以周鄰里江南通志

吳文式青陽人父病嘗糞父卒哀毀嘉靖間以賑荒授冠帶同邑程俊孝事繼母友愛諸弟亦以捐穀賑饑授冠帶青陽縣志

吳大樞青陽人父卒厝淺土久雨驟漲水衝父棺急奔護之握棺上鐔不舍水大至隨棺漂十餘里至死鐔猶在手一統志

陳天惺青陽人父患癱朝夕吮之父早春思蘇惺入山求之遇虎不害母卒廬墓三年

國朝嘉慶十六年

旌表建坊

青陽縣志

柯延茹建德人事親孝兄薰致仕歸食必共席疾必侍藥時百口同爨延茹總理家務內外無閒言

汪南通志

朱世甯貴池人左良玉兵屯池州世甯母殯於野棺被發出收

骨一慟而絕

池州府志

陳其英貴池人嘗割股療親疾左良玉兵在池其英與兄同出

賊劫其兄其英力禦之兄脫而其英死

池州府志

吳應彥貴池人母病割左股進病遂痊後父患危疾又割右股

以進病亦隨愈

江南通志池州府志

章一恆字希善貴池人少孤奉母孝謹萬歷閒族人誣其兄殺

人獄雖白仍擬遣戍一恆請代有司義而許之數歲遇赦還友

愛彌篤居里中方行善事鄰火延其居忽雷雨反風滅火人以

為孝友所感

一統志

方祥美貴池人性孝友母病虔禱於神得愈母愛弟喜就弟居

祥美具膳輒負母來食食竟復負母返如是者十餘載後弟坐

盜誣繫獄盡鬻己業雪之

一統志

郎思誠字孺若貴池人幼孤事母孝嘗割股療母疾母卒啜粥

廬墓其地素多虎自廬墓後虎遂絕跡郡守顏敏欲舉思誠純

孝以老疾辭

國朝雍正五年

旌表建坊

一統志

王用憲貴池諸生左兵掠境母年九十不及避用憲哭於其旁

賊焚宅退人於灰燼中見用憲抱母面色如生

貴池縣志

重修安徽通志

卷二百四十一

人物志

孝友

九

池州府

桂仲石埭人年十三母卒廬墓三年後中崇禎癸酉解元同邑

桂一鸞父卒於官扶櫬歸里廬墓三年後中武舉石埭縣志

甯應祖字子述青陽人天啟時舉人居母喪三年不飲酒不茹

葷弟早卒撫姪如子崇禎末土賊起相戒不入其家池州府志

柯孟顯字惟達貴池人事母盡孝崇禎庚辰輸粟賑饑邑人德

之江南通志

何一葵銅陵人與弟友愛終身不析爨有族人舉家疫死悉殮

歛之并撫其孤成立明末盜起過其里相戒勿犯池州府志

丁宇洋銅陵人傭工以養母母病風輒背負之夏驅蟲冬溫席

積十餘年母歿亦以瘁卒池州府志

方興元銅陵人天啟閒傭工養母母歿廬墓

國朝乾隆七年

旌

池州府舊志 銅陵縣志 新增

蔡啟元銅陵人父可獻授休甯訓導未之官值左兵東下將殺

之啟元奔救願以身代賊並殺之池州府志

童黯建德人孝事繼母母病籲天求代母目眵舐之復明及卒

不御酒肉三年池州府志

江賦祈建德人方九歲盜入其家炮烙其父以求賄賦祈號泣

以身蔽父賊怒殺之池州府志

金學駕建德人年十五左兵至負母出避遇賊釋母走以身遮

道殺賊數人重傷而死同邑沈福壽左兵執其父號哭奔赴請

以身代賊遂殺之池州府志

江桐建德人左兵陷城奉母出避遇賊連槩其母桐以身衛之

重傷不肯離賊義而并釋之池州府志

重修安徽通志

卷三百四十一

人物志

孝友

池州府

何文升建德廩生左兵執其母挺身捍賊死同邑江芝封負母

遇賊以身衛母號泣賊義而舍之蘇欣向負母出避回視父已

為盜得哀泣求代賊亦舍之弟早卒撫姪如子池州府志

汪可植貴池人父喪號慟不食肉飲酒者三年明末左兵入境

母被執可植號泣請代賊感而釋之弟二人俱早卒卹兩嫠撫

五姪成立庶母生一子以產亡命其妻乳之長而分產維均池州府志

吳世採青陽人明季流寇焚掠世採從鋒刃煙燄中負父出同

邑王廷謨左兵入境書田券予佃人令負父自負母以免至今

呼其田為孝田池州府志 青陽縣志

吳世華字釋明青陽人明末賊劫其鄉執其父大楷將刃之世

華號慟求代賊舍其父而繼世華使為導度父行已遠乃詈曰

吾求免父耳豈懼一死而為汝導乎賊交砍而死一統志 池州府志

按殉節錄有池州吳釋明殉難於山西見山西通志此言賊

劫其鄉疑本兩人故兩存之

岳承文銅陵人明末隨父避難遇寇請死而生其父賊并殺之

池州府志 銅陵縣志 新增

國朝施家聖貴池人生數月而父歿比長力田養母日偕其妻禮

斗以祈母壽母年百有四歲卒家聖亦年踰七十猶哀毀盡禮

廬墓三年池州府志

陳萬昇貴池人與弟嘉蔭從弟萬鵬同就外傳康熙己酉盜掠

近村二弟被執萬昇請代弟死盜并殺之一統志

陳光正石埭人少孤事母甚謹母卒耐父墓即廬墓側有醴泉

湧石之異又建德吳來芳事母極孝及卒廬墓江南通志

重修安徽通志 卷三十四 人物志 孝友

池州府

黃德斌銅陵人十歲時親病卽籲天求代既長破產以雪兄誣
贍親族助婚葬嘗拾遺金二百兩守而還之子淮雍正丙午解

元府池州志

丁晫銅陵人父歿甫三歲母患痰疾晝夜不離火延寢室救母
不得出遂借死雍正十一年

旌表建坊池州府志

朱應舉貴池人七歲喪母繼母虐之應舉不言父歿析產推腴
於繼母所出弟弟鬻之爲贖而復與之道拾遺金候其人還之
乾隆二年

旌表建坊池州府志

曹甸貴池人親亡廬墓貴池縣志
陳虞竹貴池人親歿同弟虞梅廬墓雪夜有雙鹿同臥處麾之

不去弟梓柏爲盜掠往寨泣告願代其死盜并釋之嘗貿易於

亭毫饑領囊賑之池州府志

李啟思貴池人父母繼歿廬墓泣血蛇虎絕迹墓旁產芝乾隆
七年

旌表建坊池州府志

黃正都貴池人母病替舐之復明及卒廬墓三年同邑吳錦諸

生馮聖澤皆以親喪廬墓聞貴池縣志

吳日光青陽人性孝友樂施予鄉里欽之平居設立規條訓誡
族人一方化之皆以馴謹聞江南通志

陳良台青陽人年十二父懋詣被寇執號泣請代得釋居室災
奮入烈燄中負母出焦爛數月始瘳康熙戊子饑鬻產易穀以

賑乾隆四十一年

旌表祀鄉賢池州府志

謝應重青陽人母歿廬墓每日必侍父寢而後就廬父歿廬墓

日夜號痛不輟同邑汪應仁鄭鳴福程世普曹之斗徐欽王拱

皆以廬墓三年間青陽縣志

章乾張世繼皆青陽人父母繼歿廬墓六年青陽縣志

曹之鼎青陽人六歲喪父十三喪母廬墓時雪盈數尺惟其廬

無雪土人名其地曰孝感壠青陽縣志

謝仁壽青陽人父卒於官扶櫬歸廬墓終喪又嘗拾遺金三百

兩訪其人還之同邑何應進父卒廬墓後銓經歷以母老不赴

及母卒廬墓終喪青陽縣志

孫榮光青陽人孝友多義行五世同爨青陽縣志

劉吉初青陽人父母歿皆廬墓三年同邑張駟龍何敦潤陸大

仁何敬愷何產劉文燄吳維藩袁鳳仁王之珩曹德優劉志成

皆以親喪廬墓間青陽縣志

沈自勇石埭人父老病風侍養晝夜無閒奉三孀嫂教五孤姪

內外無閒言有以飢鬻子者自勇為贖之凡三池州府志

王廷賓貴池庠生七歲喪父哀如成人既長姻家強為贅壻固

辭曰母老無依若然不如不娶耳又有以厚脯延之者則曰吾

畱村塾以朝夕奉母也後母歿鄰人失火延其家廷賓舁棺不

及伏棺上死乾隆八年

旌表建坊池州府志

吳孟堅字子班應箕子也應箕殉節孟堅甫十齡既長痛父亡

長號泣血作大哭賦小哭賦大呼九章以自傷徒步入京上書

史館請為父立傳歸著讀史漫筆始關龍逢終文天祥覽者可

以悲其志矣

貴池縣志

蘇禱石埭人父瓊明季殉節瀘州禧徒跣奔蜀收骸骨懇當事題請贈卹得允例當得蔭不受

池州府志

葉陰貴池人幼失怙母病思醴泉哭禱於田泉湧出母飲而愈人名為孝子并弟節享亦有至性母病嘗溺冬月得鮮桃以愈母疾人以爲孝感

池州府志

章宏闓貴池人幼時親疾禱神求代年十八祖母歿隨父苦塊中以毀卒乾隆九年

旌表建坊

池州府志

章乘雲貴池諸生幼孤與兄友愛無閒析產推肥取瘠居平任卹鄰里善醫施藥遠近皆蒙其利乾隆十年

旌表建坊

池州府志

唐文璧貴池人事親孝兄弟六人相處無閒弟婦早寡善成其志子孫守其家法五世同居

池州府志

韓良賡貴池人父病風負以出入寢食不離年二十四妻亡不再娶乾隆七年

旌表建坊

池州府志

陳一寵貴池人父以庶人在官歸必候於道父疾不食亦不食及卒廬墓三年乾隆四年

旌表建坊

池州府志

何允謙青陽增生事親能先意承志知母愛少弟卽以己所析腴產益之後庶母生弟父已無田復析己產均之人咸欽其孝友

池州府志

施錫鍾青陽人父卒於官時僅十歲扶櫬歸江中遇風人盡登

重修安徽通志

卷三十三

人物志

孝友

五

池州府

岸鎬鍾抱棺呼天風漸息青陽縣志

孫定青陽人親病衣不解帶者數月父卒廬墓三年乾隆四年

旌表建坊青陽縣志

孫兆盤青陽人四世同居族有鬻妻償逋者為代還以全之青陽縣志

陳仲遠青陽人事繼母孝母病癰吮之得愈同邑何功謙父患

肺痿吮其穢穢盡而瘳又曹步彤母患漏疽彤以口吮膿血而

愈青陽縣志

許國聘青陽貢生母病篤同弟大仁割股以進得愈兄病奉侍

夜不解帶母卒廬墓終喪同邑庠生何光謙幼從父廬祖墓三

年友愛兄弟無間青陽縣志

袁紹霖青陽歲貢母歿廬墓三年事孀嫂撫孤姪歲歉出粟賑

濟同邑增生徐效勤年七十猶日侍母側母卒廬墓終喪又孫

祖柯夢焯鮑士倬皆以親歿廬墓聞青陽縣志

徐守仁青陽人幼孤母卒廬墓五年嘉慶二十年

旌表建坊青陽縣志

周有德銅陵人母邁奇疾僵臥狼藉有德口吸手捧尸蟲糞穢

不避四年而後瘳池州府志

余心曠銅陵人父患淋疾醫治不效乃以口吮之淤盡而溲溺

復利同邑庠生何學芬母患瘋疾目盲飲食親奉中衣溺器親

滌凡二十五年池州府志

汪惟箴銅陵庠生幼嗣伯後產萬金箴以為難得者兄弟易致

者田地仍均分之而獨奉祀銅陵縣志

趙天柱銅陵人以雍頭為業母寡而老所得必為肉糜進母病

重刊通志卷三十四
氣日夜背負周行室中十餘年池州府志

楊國儁石埭人與同邑桂輪徐廷珪皆以親歿廬墓聞池州府志

桂元璣石埭人母歿廬墓三載獸踞其側樵者見之始知為虎

而元璣不之覺也同族桂寬賣薪養母母卒廬墓三年又桂馨

父疾割股療之及卒廬墓三年又畢星虞母卒廬墓三年芝生

墓前石埭縣志

沈德芳石埭人七歲喪母祖母育之祖母疾割股以進得愈嘗

拾遺金俟其人還之池州府志

沈自寅石埭人母病醫皆束手潛出自刎於文昌祠眾奔視之

得七字於神前曰男願以身代母死池州府志

蘇信英石埭人父賈山東復贅于姓生子病故信英聞訃即往

迎櫬與庶母及弟歸廬墓三年孝事二母友于其弟人皆敬之

池州府志

方成石埭人嫡母焦氏為父所逐成朝夕泣諫迎還乾隆四年

旌表建坊池州府志

陳夢送石埭人以孝聞乾隆九年

旌表建坊池州府志

張有晉石埭貢生妻亡不娶設榻母側者三十年母年百歲卒

有晉年已七十居喪不懈兩弟同居不忍析同邑吳應華事母

孝弟產罄復析己產與之池州府志

沈明服石埭人幼喪父繼母虐之逐於外以服賈得裕繼母所

生弟盡蕩其業明服分金與之勸之改行母乃感悔池州府志

蘇元士石埭人六歲喪父刻木以拜哀慕如成人母病思梨冬

夜覓得於深谷中人謂孝感池州府志

陳景芳石埭人事繼母孝輸資修學買埠造橋義舉甚眾乾隆二十一年

旌表建坊 池州府志

黃致全建德人事節母徐盡孝母病篤嘗糞淒然曰吾有死耳及母卒自沈於水邑人哀之 池州府志

王象稼建德人母過橋山水暴漲溺於水稼奔赴救之亦死及得屍兩手堅抱其母 池州府志

計宗慧建德人母卒廬墓三年析產取瘠讓腴其兄家落復分已產與之同邑王宗萼葉之廉吳廷魯陳團皆以親歿廬墓聞

池州府志 建德縣志

鄭漢文建德庠生父母歿各廬墓三年與弟大防大器畫遺像事之如生同爨八十餘口無閒言 池州府志 建德縣志

王之義建德人母歿廬墓三年刻像事之 池州府志

夏文燦東流人家貧父歿質身以斂朝備而夜廬墓母卒亦廬墓三年同邑祝宗旺採樵供母母歿亦質身為僕備棺營葬又

吳景龍張明啟及增生唐咸皆以親歿廬墓聞 東流縣志

曹文岸貴池人客京師親喪奔回廬墓七年同邑舉人杜允中父母卒已廬墓三年族人強之歸仍練冠三年 貴池縣志

唐承賢貴池諸生母病風扶掖經年衣不解帶母卒廬墓與兄同居六十年兄患癰禱神求代得瘳同邑王用珂父卒廬墓虎

至不驚 貴池縣志

杜其潛貴池增生母得奇疾醫不能知其潛嘗糞以辨之知可活割股以進得痊同邑楊紹府亦割股愈母母卒廬墓三年又

潘榮充父病割股及歿廬墓五年母卒亦如之 貴池縣志

曹思豐貴池人母疾篤禱神求代夜夢神許之母愈而思豐卒

貴池府志

柯國才貴池人童時兩次割股愈祖父及母疾後母又病篤禱

神求代母愈而國才竟卒

貴池縣志

王之綱貴池人父病割股以進及卒懸像於室朝夕哭食粥三年同邑胡肯構家貧乞食祖父及母病兩次割股杜尙齷杜尙址皆母病兩次割股杜芳裕祖父及父母病三次割股杜養棟庠生母病與弟宗勉俱割股杜先仕父病割股後先仕病子六泉亦割股許萬善祖疾割股杜先聲祖母疾割股彭宗耀章矜京呂杰士皆兄病割股又有王顯貴王三日梅美泰孫宏欽胡起芝方永兆彭宗政吳來璣張雁峯鄭時春呂翹雲杜先庸杜尙賓杜先銑姜邦建姜聯貴姜大烈汪星辰胡鍾張應全姜傳

德包達關皆以親病割股聞

貴池縣志

林大造青陽人母病割股進藥得痊後事繼母亦孝謹同邑曹

正貴張廷獻柯景雲施大德皆以親病割股聞大德撫弟愛

周邨鄉里

青陽縣志

施步月青陽人傭工養母得甘旨瓜果必以奉母母疾割股和

肉以進得痊

青陽縣志

黃應杭青陽人母病二十餘年每劇輒嘗穢割股以進進必少瘥如是者三及卒哀痛不離棺墓同邑沈肇周徐步漢林文宦錢若進王之義王識江宗榮施有依甯三仁皆以親病割股聞

池州府志

郜一文銅陵人母病偕弟一武籲天割股以進得愈其季弟一冰亦先後割左右股療父疾後數年姪之合亦割股以療母疾

池州府志
銅陵縣志

吳應文銅陵人家貧母病篤割股以進得痊後應文病子遐女

桂妹爭割股進亦痊同邑徐承美徐天祿丁尚賢丁孔信鍾仕

科庠生奈京雋皆以割股救親聞

池州府志
銅陵縣志

潘國連銅陵漁者父病躬侍湯藥割股以進及卒喪葬如禮

池州府志

陳大恆石埭人母病割股以進得痊同邑李郁汪文憲汪允昌

陳瀚陳寵錫陳啟茂皆以割股療親聞

池州府志
石埭縣志

程芳堂建德人母疾制股禱天求代及卒廬墓三年同邑徐履

泰陳應泰童尚長倪應坤徐述廉劉希傑黃仲敏倪欽諤張敦

厚陳士彬鄭韶舞王景偉王倬皆以割股療親聞

池州府志

徐源齡建德人出嗣伯父伯父病割股進得愈同邑鄭世輝父

病割股母病亦如之皆得愈又姚一禮周燦劉時桂程紹遠劉

世第周懋中皆以割股療親聞

池州府志
建德縣志

吳繼孳東流人母病默禱於神割股以進尋愈同邑劉映星龐

綸涓張青錢張士鴻皆以割股療親聞又徐應德兩次割股以

療親疾

池州府志

章廷撥東流人父病禱神割股以進得愈同邑庠生高容張青

選章變奇皆以割股療親聞

東流縣志

傅規東流人母朱氏嘗割股以療姑疾至是朱病規與弟鶴各

割股以進竟不痊而卒規痛母嘔血死鶴絕粒死人皆哀之

東流縣志

王錦多貴池人母病求醫得草藥一莖嘗而後進病果愈父病

年餘刻不離寢禱神請代父愈而錦多病語其子以善事祖父

母而卒

貴池縣志

方之鏞貴池人繼母疾親滌溺穢同族方天章庶出也為嫡母

吮膿以療鼻患

貴池縣志

徐大球貴池人母病風服勞供養十九年如一日同族徐芝瑞

母性嚴既長猶跪而受杖起敬起孝顏色如平時

貴池縣志

王德福貴池人八歲失怙事孀母孝未幾母卒寢苦三載營葬

如禮蓋出於天性也

貴池縣志

程文炳貴池人親病奉侍不解帶者年餘及卒柩停於堂遇災

不及遷伏棺痛哭而火忽滅

貴池縣志

陳洪勳青陽諸生母目失明朝夕舐之而愈一日鄰災火及其

室冒火負母出眉髮盡焦母歿廬墓終喪又好施予捐穀助賑

焚券數百金同邑江吉先叔母臥病火延其居吉先從列箴申

突人負出衣髮俱焚

青陽縣志

曹柳青陽庠生母病風多方調護撫育諸弟友愛備至母卒柩

尚在堂鄰火延燒抱棺痛哭反風息火人稱孝感

青陽縣志

何溥謙字同人青陽人乾隆庚午舉人母病篤刺血哀禱病遂

起親喪盡禮致哀事兩兄友恭無間

青陽縣志

何敬學青陽庠生繼母患背疽親為吮毒遵父遺命以金五百

倡建宗祠

青陽縣志

徐名植字天健青陽人工詩古文詞父早歿事母孝母患痿痺

持護十有四年不少懈及歿哀毀骨立廬墓三年後以庠貢授

靖江縣丞調元和縣丞治河賑饑皆有政聲

青陽縣志

何敬曾字省吾青陽人乾隆辛酉舉人壬戌明通例選教職恐

疏問視不就赴吉州父任奉侍父卒哀毀骨立扶榭歸蔬食三

年孝養繼母友愛兄弟族黨稱之青陽縣志
王正祥青陽諸生性孝友與兄正亮同居不析箸周貧乏助婚
葬以孫懿修貴

馳贈奉政大夫青陽縣志

俞煥章青陽庠生性孝友母以弟病憂泣失明煥章勤求醫治
弟愈而母目亦漸復三世同居無閒言歲饑變產助賑同邑徐
友聞事父母孝兄弟不析居嘗獨修儒學櫺星諸門尤好施濟

青陽縣志

柯時舉青陽庠生性孝義遺產悉授諸弟母歿哀毀廬墓一日
驟雨山水大漲抱棺呼號有蛟蜿蜒其側水退而塋不毀同邑
貢生陳啟建母病嘗藥禱神及卒致哀盡禮營葬之日有白鶴
繞其廬池州府志 青陽縣志

柯夢蟠青陽人幼孤事母孝母歿廬墓嘗拾遺金守而還其人
青陽縣志

鮑溥青陽人家極貧父嘗以誣坐戍溥請身代子隆壽爭往上
官允其請踰年赦還青陽縣志

施元福青陽人少失怙事母孝叔以命案被誣繫獄子幼元福
時年十七奔訴臬司臬司詢之曰爾幼弱書生欲反此讞恐不
易元福曰雖死勿悔臬司憫其年少知大義復鞫冤果雪眾義
之青陽縣志

施聲遠青陽諸生父病不愈禱神請代年二十五妻亡不娶歲
饑助賑卒年八十九同邑鮑又美事母孝敬嫂撫姪及其孫如
己出年二十六妻亡不娶置祀田施藥餌建橋梁義舉不可勝
紀又諸生劉掄元父瞽孝養四十年不離膝下至修橋路濟貧

乏助喪葬焚貨券尤多義舉青陽縣志

謝瑞青陽庠生性孝友父歿廬墓三年同邑庠生章大俊母病

刲股得愈猶奉養三十餘年青陽縣志

劉珩青陽廩生父病侍奉湯藥衣不解帶者九月虔心默禱請

以身代越三日父病頓愈珩成疾卒青陽縣志

徐烈光青陽歲貢父病衣不解帶者數月及卒哀毀忌日奠墓

號泣終身不改同邑貢生袁璋母病革禱神求代兄弟亦友愛

以孫楷

鮑封文林郎青陽縣志

鮑天順天柱青陽人兄弟皆諸生幼失怙事母孝不豐於財而

多義舉伯父官海甯知州被誣逮問天柱毅然請以身代大吏

憐之為白其誣青陽縣志

王伏兩青陽人家貧傭工以養母病風朝夕扶持服勞備至數

十載如一日及卒居喪以禮人皆敬之青陽縣志

陳人傑石埭人五世同居尤多義舉石埭縣志

汪遂成石埭人兄歿姪幼撫之成立終身不析爨遺命子孫同

居同邑舒泰貢生與其弟潤極友愛各戒其子孫毋析居今同

居四世矣石埭縣志

陳汝器貴池人幼失怙事母至孝母歿五日不食嘔血數升族

建宗祠力薄而止獨捐數百金成其事子文烈諸生侍祖母病

十年不解衣帶道光三年水災竭力捐賑族里無饑殍貴池縣志

曹旺周貴池人家貧負薪養母母得廢疾抱持周至及卒哀毀

日奠於墓終身不娶而為弟娶婦撫弟子如己出貴池縣志

陳在龍貴池人為傭工母患風負以出入傭所得食減以遺

母有肉糜則盡遺之歷十餘年不少懈母卒在龍亦以毀卒人皆哀之

貴池縣志

沈璜石埭人乾隆戊申舉人孝事父母一飯必躬親父喪哀毀及母卒號慟五十七日而歿

石埭縣志

蘇翰成石埭人父發祖哭母喪明翰成日以舌舐得復母病嘗穢衣不解帶者經年及卒哀毀立終身不茹酒肉

石埭縣志

蘇富祖石埭人家貧力田養親父病焚香告天願以身代得瘳復侍養數十載老而不衰

石埭縣志

王明建德人幼喪母哀毀不欲生事繼母如母父病瞽使明督家政葬高曾以下十五喪撫諸弟成立歲饑出粟以賑焚券

不責償

池州府志

姚紹對建德庠生母病疽朝夕吮之不藥而愈同邑蘇良棧母

病風親嘗湯藥禱神求代及卒事之如生兄嫂早喪遺孤一齡

撫之成立教養周至

建德縣志

倪應瑞建德人友愛諸弟析產推腴取瘠弟有蕩其業者瑞為贖取仍以歸之姪七人視猶己子教讀婚配無不完備

池州府志

曹守美貴池人親歿廬墓三年歲歉捐穀助賑獨建蔭水橋以便行旅同邑王佐親歿廬墓三年又陳之魁親歿廬墓弟卒撫

姪成立

貴池縣志

孫述堯貴池人出繼於叔母病割股以進後本生父母病又割股二次救之同邑杜過割股以療母疾已柝居弟卒婦寡子幼

乃復合爨撫姪成立

貴池縣志

曹如壤青陽諸生父歿廬墓三年嘗獨建中堰河橋臨終焚負

券

青陽縣志

鄭思孟建德人親歿廬墓三年友愛兄弟教育子姪又好善樂

施修造橋路饑賑米疫施藥助婚娶喪葬不遺餘力建德縣志

汪道謨貴池人母疾割股以進得痊嘗拾遺金還其人貴池縣志

曹在天貴池人從兄病篤泣語之曰母老子幼非弟孰全在天

許諾事伯母如親母撫姪如子又嘗買一婢哭甚哀問之曰我

來老母無養弟弱無哺恐不保耳在天惻然贈而遣之貴池縣志

汪坐石埭庠生幼失怙事母三十年不離左右母年八十夫婦

扶持不解帶者三載三兄早歿撫養成立買婢知其良家即如

女嫁之石埭縣志

王景述建德人事親孝兄弟五人同居四世同邑吳廷高有弟

三人撫之成立同居六十餘載內外無閒言又庠生洪國賞同

忍析箸待寡嫂若慈母視從弟如同懷人皆敬之建德縣志

李詹壽青陽人嘉慶十六年以孝行

旌表建坊司册

洪圖曉建德諸生性孝友父病謂曉曰篋有存金為爾捐職圖

曉受而不啟時異母弟圖燬甫晬撫育成立及析箸始出篋同

弟啟而均之池州府志

汪庶銅陵人偶他出火延其室母病臥庶奮身入烈燄中不能

出火熄猶見母手拊其背云同邑周光祖撲火救祖抱出被重

傷祖孫俱死銅陵縣志

崔纘緒銅陵庠生親歿廬墓三年眾欲以孝行舉固辭兄染疫

晝夜奉侍竟以瘁卒同邑徐必彭陳克舜繆朝何繼知皆以親

歿廬墓聞銅陵縣志

畢鋒銅陵庠生父患癰以舌舐之得愈鄰火延宅冒煙負母而出同邑奈心恕亦以口舐母癰得愈銅陵縣志

何應春銅陵人三歲失怙事母盡孝母卒廬墓三年道光四年

旌表建坊銅陵縣志

崔之鐸銅陵人父患惡瘡醫不能治含藥吸之得愈及卒哀毀

不茹葷酒銅陵縣志

柏梅桂青陽人道光五年以孝行

旌表司册以上舊志以

姚文濤貴池監生道光年以孝子

旌表科鈔以下新修以

姜有典貴池文生性孝友割股療母病又彭魯賢母病割股和藥以療同邑張國藩洪剛仁并割股療父貴池縣志

倪聲送羅懋欄李茂祿李茂扞庠生徐茂旂監生徐觀源俱青

陽人均割股救親青陽縣志

桂連穎字文彥貴池人家貧訓蒙養母母病醫藥罔效割股以

進疾得愈嘗館某家有孀婦來奔拒之明日遂解館去堂弟連

瑗歿於樂城走數千里代負櫬歸貴池縣志

陳紹聞青陽庠生父病篤割股得愈又庠生汪承紳理問曹太

勳民人甯三謨甯正體錢金祥錢正黨錢興濤錢開楠錢恭流

錢恭義羅亨聽甘有用李國治孫家佳甘有修俱割股療父疾

得痊青陽縣志

章獬青陽人年十二割股和藥愈母病及長焚借券四百餘金

歲歎鬻產濟貧又廩生汪泉民人陳鑑張誠然錢蒼祥錢正誘

李殿墀李鳳鳴甯福星甯文單鮑洪高甯三才陳天助施四一

施芳祚甘大光沈肇昂李維臺羅明琥徐產銘甘有麟徐作猷

吳德魁袁文平陳輔俱刲股愈母又章復初阮起蛟阮文岸皆

刲股愈繼母疾章復初又有冒火出母棺事青陽縣志

余騰雲字翔九銅陵人母病刲股三次和藥旋愈又監生周璜

亦母病刲股銅陵縣志

姚士秦石埭人年十四母病刲股和米汁飲之尋愈又監生章

士震刲股療母沈秦凱刲股療父俱瘳石埭縣志

葉之廉建德人刲股療母病并廬父墓三年又樵者王景偉同

弟景倬刲股療母黃德耀劉大瓚王長順劉德智汪維棟徐祖

望胡自楷府經歷張輅蕭縣訓導黃之鑰從九張文錦監生黃

長興朱貴齡童生陳士彬姚書芬文生胡一舉副貢鄭櫛燦庠

生王應兆王謨及王茂華王美意陶景洲金戴陞劉鎰俱母病

刲股以療建德縣志

朱銓建德人父病刲股為糜以進獲愈又陸爾煌黃萃鑿王忠

文生王道平監生方觀光胡一鴻並刲股療父病建德縣志

王特蔭建德人祖病醫藥罔效刲股以進死而復甦又劉向明

兩次刲股和藥愈父母疾建德縣志

汪榮至東流文生母病足久不愈榮至刲股啗之父病亦然又

張華賜童時刲股療父東流縣志

朱觀光建德增生母病刲股為糜以進并嘗糞求醫母病獲瘳

舌耕所獲盡營諸伯叔葬地二十餘冢又監生金作銳父病兩

次刲股黃文誦刲股療母母歿廬墓三年建德縣志

管天郊字紹姬貴池庠生舉優行例得知縣以母老不仕母歿

廬墓三年性又好義春鍛農器冬製絮衣以資貧者糶穀嘗減

其直之二三池州府志

葉宜祝貴池人母歿廬墓泣血三年以毀卒又方時吉父歿夜

宿墓傍日歸事母母歿復居山三年又方增益邱又生楊忠信

皆親歿廬墓貴池縣志

吳維垣青陽庠生母卒廬墓三年咸豐初倡團拒賊死同縣錢

國立陳鵬獲均母卒守墓曹正樞楊遊龍王伏雨袁懷兩俱廬

母墓三年曹世倬廬父墓三年青陽縣志按王伏雨疑卽王伏兩

方國輔銅陵監生母歿廬墓三年又監生吳誠感廬父墓徐元

賞廬繼母墓俱各三年銅陵縣志

何長春銅陵人廬墓三年楓開紅花桂超萬浩然齋詩集

蘇宦榮石埭人生四年而孤母憐之飴以美食輒讓母而自取

惡者易之遂啼長服賈懼曠定省棄賈訓蒙於家母年百有三

歲卒廬墓三年石埭縣志

王宗萼葉顯忠俱建德人廬母墓三年胡應遂廬父墓三年建德縣志

陳體鑾東流農人竭力養親父母相繼歿廬墓三年東流縣志

唐樹蘆貴池人祖母病癱瘓日夜服事歷七年不衰後侍父疾

二年亦如之又有陳光國者母得痼疾累年侍湯藥不懈貴池縣志

姜兆蘭青陽歲貢母病癱瘓奉湯藥十餘年不懈著有春庭詩

草同縣阮日可楊志樸均侍母疾三年志樸又吮父疽又甯朴

曹岱宗并吮母癰青陽縣志

周永洋銅陵人侍父母病嘗湯藥滌溺器三年不懈銅陵縣志

張麗生東流人母患骹疽口吮之東流縣志

王雲彩建德人母病嘗糞以卜生死及歿哀毀三年不飲酒食

肉建德縣志

何文蔚青陽庠生家貧喪妻親操井臼事父母二十餘年親疾

嘗穢又庠生吳元勳陳卓民人袁文海俱母病嘗糞青陽縣志

曹曰敬貴池人母疾需鹿血曰敬百計求之忽鹿自至啗血遂

愈貴池縣志

曹蓮青貴池庠生少孤賊入村母赴水殉難奔救不及亦水死

貴池縣志

陳試青陽人事母孝每聞警必負母逃後舟覆溺死見夢於母

言有兒衛母賊來無恐母果無恙青陽縣志

檀邦塚建德人母目瞽禱治三載復明又葉紹儂建德人母目

瞽時為舐之遇賊被創負母不釋手賊感其孝指以匿處建德縣志

盛文彬青陽人賊縛其弟亟請身代又將火其廬哭訴老母病

臥賊驚歎曰此孝友人也釋之而去青陽縣志

朱實煦字貫一建德人父歿實煦事祖父母撫教兩弟屢值歲

歉家落而孝養弗衰後遭亂實煦與母留衛二老賊至問知不

避之故相顧曰此孝子孫也不相害劫略而已別賊至竟遇害

建德縣志

盛金谿青陽人負母避賊乞食供養母卒宿墓號哭久之自縊

青陽縣志

章祥直東流人負母避難遇賊欲執之直號泣不絕口賊釋之

去東流縣志

江安仁青陽人父被賊執安仁求釋得免已投水死同縣柏錦

琪求賊釋父不許怒擊之被害又張掌立因父被擄持刀連砍

數賊力竭被害青陽縣志

曹福喜青陽人賊執其母使炊福喜竊負之逃被害又柏生貴

章大介陳南魁均以救護其母被害惟柏母得脫青陽縣志

王九銅陵人年十七奔救父難遇害銅陵縣志

凌求得石埭人賊掠其母求得持械追擊而死母得脫石埭縣志

張觀勳建德文生奉母避亂遇賊以刃加腹不避賊奇之舍其

母子而去建德縣志

張謙德東流人勸母被害奮身擊賊死之東流縣志

朱鍾建德拔貢孝廉方正母病十餘年百方調護及卒齎粥枕

出守柩三年於父所營休甯祖籍祠墓間歲必往展謁雖屬疏

瑩必修治族貧乏者月給錢米喪祭婚嫁有加焉建德縣志

葉永嶠東流人有弟三人為父母所愛永嶠盡將資產與諸弟

僅受瘠田二畝與妻躬耕焉東流縣志

金孝定銅陵人咸豐元年同兄被擄孝定給賊釋兄去遂赴水

死銅陵縣志

張文波青陽人賊劫弟去邀堂弟往救之均被畱因許贖金願

以身質兩弟得脫乃自縊青陽縣志

葉崇香貴池人兄罹大辟崇香引罪代之死貴池縣志

紀永仕紀永桂貴池人俱以救兄永恩溺水死貴池縣志

重修安徽通志卷二百四十二

人物志

孝友九

太平府

漢方儲字聖公丹陽人除郎中丁母憂棄官歸負土成墳種松

干株鸞鳥棲其上白兔游其下一統志

宋徐雄丹陽人位奉朝請能清言為貴游所善事母孝謹母終

毀瘠幾至自滅俄而兄亡扶杖臨喪撫膺一慟遂以哀卒南史張邵傳

唐朱恂繁昌人割股愈親詔旌其門唐書孝友傳敘

王丕繁昌人數世同居旌表門閭賜粟帛州縣存問復賦稅唐書

孝友傳敘

宋趙權當塗人母病篤權焚香夜禱泣曰母死權何以生取刃刺脅取肝以進母漸瘳權亦遇良藥無患太守孫懋表其里曰

孝感坊

江南通志

張崇繁昌人登進士第官太常丞自祖瑁以來千口同居雍睦無閒嘉祐中楊傑過其家書義居二字遺之

一統志江南通志

聶雲蕪湖人割股愈父其後伯父病復割臂以進而愈咸淳十年知州孟之縉獎其孝

江南通志

元芮世通蕪湖人十世同居詔旌表

元史本傳

夏餘達當塗人自宋慶曆中七世祖邦政以來合族同居至正末旌表家有田一邱每歲麥皆兩歧李習汪澤民爲之傳

江南通志

胡光遠太平人母喪廬墓一夕夢母欲食魚晨起將求魚以祭見生魚五尾列墓前鄰里驚異方其聚觀有獺出草中浮水去

知獺所獻事聞旌表

元史本傳

漆榮祖當塗人歷官織染局副使父歿負土成墳松柏皆手植旣析居而兄弟卒經紀其家如未異居者性好施賑粟施棺不吝市田六十餘畝入青山保和菴以奉謝公之祀歲時祭掃父墓置田爲經久計瑞蓮生其墓前

太平府志

邢國傑當塗人嘗以布衣條議時政執政爲改容謝至正中擢授校官以親老固辭

江南通志

明盛敬字存禮當塗人建文庚辰進士授行人其冬兄溺於江奔歸抵其所求尸得之奉嫂撫孤曲盡恩義後官監察御史巡

按山東有廉幹聲

太平府志

魏祥蕪湖人成化丁酉舉人以母老不忍離絕意公車母歿以哀毀卒同邑張秀父歿哀毀骨立廬墓三年

江南通志太平府志

王儒字大任蕪湖人正德癸酉舉人父病籲天求代兄病察家人畏染多遠避儒獨奉侍哺藥不懈春闈下第急於省親晝夜不息操舟者感之亦棄業歸養太平府志

楊乙六太平人自乙六至貴二五世同居貴二之子旺七一支復四世同居食指千計條置家法鉅細有禮萬厯閒旌為義門

明史孝義傳敘
江南通志

楊重儒字春埜當塗人嘉靖戊子舉人授確山令聞母病即告歸猶及侍藥三日母卒廬墓於祖塋傍買地瘞同族之不能葬者捐資以助喪不能舉女不能嫁者莊居遇窖金掩而不發太平府志

倪芥當塗人早失怙母疾割股以進獲瘥嘗拾遺金還其人後往鎮江遇風舟將覆忽聞空中語云舟有孝子遂俱得免太平府志

丁大相當塗人母歿寢柩旁終喪不入私室父卒廬墓三載有

白燕來巢之異江南通志
太平府志

卞仕朝當塗人父喪盡哀毀瘠念母苦節事之未嘗頃刻離母得廢疾朝夕扶抱不敢委之妻子後舉母節有欲上下其手者夜分忽以文移並上遂得旌表人謂孝感太平府志

黃文星蕪湖庠生年十四母產將危割股以進遂甦族有誣其父者文星截髮鳴冤當道憐而直之鄰火偏廬風返而滅鄉人樹石曰孝子里江南通志
太平府志

畢相蕪湖庠生孝事嫡母同於生母嫡母抱疾疴莊相不解衣者數月疾篤移入城路卒於舟祕不言至縣躬負還家舉哀正寢妻父趙璽令武城璽婦以二百金私予之相不受江南通志

王華繁昌人十三世同居江南通志

李世良繁昌人生九日而孤事母至孝母病求藥丹陽晝夜冒

雪竟以寒喘終身母卒廬墓三年太平府志

徐大賓繁昌庠生父母卒廬於墓側不避豺虎服闋歸屏妻獨

處甘藜藿者四十餘年又同邑周紹文亦以親歿廬墓聞江南通志

太平府志

魏邦輔繁昌人其父曾以孝友著邦輔善承父志少游南雍授

光祿署丞師事耿定向講明義利之辨父病禱天得愈事庶母

如母諸父如父姪已析產而貧割己產與之邑之父子兄弟得

邦輔而完聚及罪待贖死待棺葬者以數百計太平府志

後武蕪湖庠生事繼母至孝祖父財產悉讓諸昆弟保孤踐託

焚券憫窮助婚完葬散儲周乏修橋砌路掩骼埋枯善事不可

勝紀太平府志

蔣師夔蕪湖人早失怙事母四十餘年孝養無閒母病篤禱神

剷股以進得愈後以明經歷仕有政聲蕪湖縣志

李潔蕪湖人父疾割股以進獲瘥及卒營葬宣城廬墓四載後

雖歸春秋伏臘哭奠墓側或彌月不歸若依依膝下者江南通志

太平府志

趙科當塗人繼母病篤割股療之母復病盲朝夕禱祝得一目

復明異母弟患疽自吮之弟初待兄甚薄至是乃大感悟太平府志

徐思明當塗人父母病前後割股以進母卒廬墓三年天啟開

旌同邑魯國聘事孀母五十年依依孺慕母疾嘗藥洩矢皆自

滌割股以進得愈江南通志

魯熹當塗人家貧傭書以養父染痢熹寢食皆廢顛天請代割

股以進醫者曰疾轉則糞轉乃三次嘗糞以驗之同邑曾瀛割

股愈母疾又孫璠者年十五割股以飼母得愈江南通志太平府志

楊逢時蕪湖人父病禱天願以身代割股作羹以進病尋瘥同

邑陳景總角時即知孝敬親疾割股以進尋愈江南通志太平府志

沈時萬蕪湖人事孀母孝母病篤時萬割股食之得愈後病復

作又割右股食之亦得愈太平府志

閔濟周繁昌人父病篤割股以進得愈同邑庠生魯煥嘗割股

療父母病復如之又吳謨徐沂李元相皆以割股救親聞江南通志

太平府志繁昌縣志

吳紀繁昌諸生嘗割股愈父疾母病亦如之同邑時辰母病割

股以進及卒廬墓三年繁昌縣志

李仲名當塗諸生母卒停柩於堂事之如生及葬廬墓三年自

後遇烈風雷雨必省視墓側至老不衰天啟元年旌江南通志

趙應時蕪湖人祖父魁官江安丞父隨往卒於任應時年甫弱冠千里奔喪扶櫬歸遇風舟覆抱櫬流數十里獲免人稱孝感

江南通志

朱應蕪湖人嘗割股以愈母疾悉以己置田宅讓之少弟親喪

哀毀成疾廬於墓側尋卒太平府志

汪應冬繁昌人嘗鬻妻以養母母病割股療之及卒廬墓哀毀

而卒繁昌縣志

汪琇繁昌人幼失怙奉母四十年不少離及卒廬墓茹素以終

江南通志

國朝楊璜字希周當塗人兵擾其鄉戀祖宗邱壟不忍去因匿妻

妾與子於林中而身守墓兵將執之遂赴水死于甫十齡見父

溺號哭亦投於水踰日父子兩尸攜手浮出見者嗟異一統志補按

重刊安微通志卷三十四
吳陳炎曠園雜志上
此順治丙戌三月事

端茂杰當塗人父任宿州訓導歸卒適賊破和州烽火相望厝棺於家者多藁葬茂杰掘堂後地瘞棺事定乃起葬如禮母病刺血上疏於神請身代病旋愈後以副榜中順天辛卯鄉試

太平府志

倪蕃允當塗人念伯仲遠出不得侍母謝去諸生晨夕奉侍母病跪進湯藥疾革禱天求代母年九十卒未殯兵燹危急蕃允多方曲奉兵官殯葬成禮甫出郊而城中火起矣

太平府志

孫啟綸字君綬當塗人事母以純孝聞嘗負母避盜盜識之曰此孫孝子也遂解去

一統志

孫伯生當塗人亂兵掠博望負母逃兵將及避道旁窟穴中賊羣射之伯生以身蔽母與母俱斃鄉人出其屍背著矢如蝟

太平府志

太平府志

陳相儒當塗人父希蕃以事往揚州相儒與弟奉母避兵於鄉兵譟希蕃適歸遇害相儒號咷奔赴營葬畢與弟訣曰弟善事母吾從父地下矣遂躍入姑溪三日屍起猶持父所衣血衫不放

太平府志

徐邱原名德化當塗人六歲失怙事母以孝聞母卒廬墓終身不忍去遂更名邱

太平府志

張問明蕪湖人母病中裙廁牖親自洗滌兄卒撫姪如己子

太平府志

姜學詩蕪湖人母病勤奉湯藥夜不解衣剝肉作羹以進獲痊

太平府志

宋真儒蕪湖人少孤與弟繩武事母盡孝母歿兄弟廬墓哀號

重刊安微通志卷三十四 人物志 孝友 太平府

不輟池蓮變白且有雙莖之異同居四世置田贍族康熙五十三年

旌表建坊一統志

陳三齊繁昌農家子年十二母死朝夕上食哭泣盡哀迨既葬廬墓三年時稱孝童一統志

龍雲澍字天士當塗人母疾割股以療得愈後領康熙丙午鄉薦太平府志

邢彰當塗人父偉以功貢從征無定在音間久絕彰弱冠決意尋父與母泣別而行經歷險阻瀕死者數次病於舟中夢有蹶之起者曰欲見父其川南滇北乎遂歷蜀入滇值信王出兵為所獲泣道所以偉適在幕隨出認父子相抱泣居三月聞海賊寇江南命之速歸抵家母子相見驚喜後再往偉任開化州卒

於官泣血扶柩旋里太平府志

吳翼當塗庠生事親孝與弟斌友愛不析箸性尤好施善行甚多後以子騫官山東按察使

贈如其官太平府志

楊詔瑞當塗人乙六裔孫也幼出繼事所繼母與生母並以孝稱族眾繁衍傾資建宗祠嘗拾遺金守而還之太平府志

徐會昌當塗諸生父病不肯赴試強之往試畢歸已不及斂呼天一號嘔血數升幾死鄉有不令者株連戚里幽繫會城費數

百金無出會昌為獨償之眾得脫歸卒後盜入室見會昌柩在堂焚香跪拜歎息而去太平府志

王仲芳當塗人母病晝夜祈禱一夕夢神語曰汝減祿母病愈矣乃矢願茹素母病果痊子大國事繼母亦以孝聞太平府志

陶連當塗貢生祖正坤兄弟七人同居至連已三世一錢不私連事親孝母疾累年艱於起臥連日夜不離親澣廁煖康熙戊

子遇水圩破出穀賑濟全活無算太平府志

尹啟韜蕪湖人三歲而孤母曹守志啟韜年二十訓蒙以養母

病衣不解帶嘗糞知不救籲天願代母歿廬墓哀號兩月遂卒太平府志

鄧光遠字孔昭蕪湖人康熙丙子舉人事親孝母性嚴鄉舉後

小不如意猶加楚撻光遠惟長跪引慝父應魁歿遺田四百畝

知母愛二弟悉以讓之所著有補心集太平府志

俞延瑾蕪湖人生四歲父卒哀毀不欲生時呼為孝童事孀母

甚謹生平建宗祠修學宮賑貧乏置渡船人皆義之太平府志

張濤字八公蕪湖歲貢九歲失怙事母至孝居喪哀毀度卜宅

兆並葬四代以下棺兄嫂先逝遺男女九人撫之成立為畢婚

嫁恤疾周鄰至老不倦太平府志

羅國相蕪湖人父宗親遭家難遣戍國相請代父不許乃匍匐

投河工効力贖罪工成父釋歸踰年卒擗踊嘔血廬墓三年撫

庶母弟成立乾隆二年

旌表建坊太平府志

鮑一傑繁昌人九歲時母病革割股療之同邑徐國熹亦割股

療母疾太平府志

徐之駒繁昌人父患癱瘓駒與妻余氏朝夕侍藥躬澣滌衣不

解帶者八年弟駒早卒撫其孤成立與季弟駛友愛倍至鄰火

偏宅駒仰天自檢風反火滅眾咸異之太平府志

張銳玉原籍瀋陽父蘊教諭繁昌以擊賊全城擢汾陽令寇薄

汾陽蘊單騎出城而賊閒道入署兄璋遇害銳玉時僅八歲痛哭守兄屍賊憐而舍之翌日蘊率兵殲賊得銳玉於屍側救之乃甦後蘊解官仍來繁昌與嫡母相繼歿銳玉葬之於金陵奉生母居繁昌年方壯妻魏亡不再娶乾隆二年以孝義

旌表建坊

子長庠舉人父歿就銓得諸暨令有惠政民尸視之以孝友

世其家 太平府志

邢曰象繁昌農夫幼失恃事父孝父亡守墓有饋食者祭而後謝三年親族強迎之歸歲時必哀奠乾隆五年

旌表建坊

太平府志

程振奇繁昌庠生父疾奉侍衣不解帶者十月與弟居祐相友愛居祐治家一切鉅細振奇不問而居祐一錢不私父歿兄弟喪葬如禮奉母益虔晨昏偕入怡怡定省牽衣索笑如孺子軌

隆五年並

旌表建坊

太平府志

曾文約繁昌人明季寇亂文約甫十齡隨父母避兵山險母病渴煩文約下山汲水猝遇賊脅以刃泣以情白賊憐而釋之寇退家業蕩然父以憂恚卒文約上奉孀母俯育兩弟為之婚娶季弟先逝撫姪如子姪又卒撫姪孫至老不懈 太平府志

桂秋英繁昌庠生父病割股以進得愈同邑劉文點與弟文杰皆以孝稱父病割股和藥進得愈後卒兄弟同廬墓三年 太平府志

盛可興繁昌人父早卒事母盡孝母卒廬墓三年 太平府志

魏嘉謨繁昌增生侍御壽期子也曾割股療祖母疾韓莢為之

立傳 繁昌縣志

濮子咸蕪湖人事親孝下氣怡聲不敢毫髮違居喪哀毀享祭

於墓事之如生濮本坊市民家其盡禮有士大夫不能逮者乾

隆二年

旌表建坊太平府志

李芄春蕪湖貢生親疾割股以進侍兄疾湯藥必躬親兄卒事

嫂撫孤敬慈交至太平府志

陶宏道當塗庠生母病衣不解帶及卒既殯哀痛仆地棺忽自

開母容如生眾咸驚異父卒痛哭幾絕粒米不進者累日孝事

繼母與生母無異著有孝經啟蒙本義廣義三書太平府志

倪鼎臣當塗庠生少失恃事繼母以孝聞嘗盡鬻己產數千金

代兄償逋無後言太平府志

戴六吉當塗人母病焚香告天願以身代旋割股煎湯進之得

愈嘗見鬻妻者為償其逋全之中年喪偶不再娶太平府志

朱之耀當塗庠生性孝友五世同居生平見義必為偶出下地

遇鬻妻者相持哭不忍離為傾囊助之得完太平府志

徐坦繁昌人四世同居內外無閒言繁昌縣志

何應鯤字羽滄當塗諸生昆弟五人皆早卒應鯤撫諸姪如己

子祖所遺產盡以分給後有貧乏者又分已產給之太平府志

周有名當塗庠生母得癱疾與妻後氏扶持十六載母病篤後

氏割股療之及卒有名哀痛欲絕比葬每至墓所哭奠風雨不

避失足墮水死其妻聞之一慟而絕人皆傷之太平府志

徐宗安蕪湖人父卒時方數歲盡哀如禮不食葷酒三年見者

異之稍長以雞頭為業得值具酒肉奉母母疾偕妻孫衣不解

帶及卒一慟幾絕既葬日至墓所上食事之如生太平府志

俞彝生蕪湖諸生母患癱疾服侍不懈適遇歲試方招覆忽心

動曰必吾母疾發也急馳歸僅得與訣哀痛幾絕繼母疾不肯進藥彝生先嘗之母始進祖母芮年八十餘手足不仁躬負出入妻方氏乳之太平府志

陶霏蕪湖庠生事親孝居喪哀毀母棺在堂驟遭回祿霏號泣抱母棺願以身殉火竟滅棺獲出鄉人異之太平府志

潘懋遵蕪湖人幼失怙母疾革禱天求代不瘳割股療之病立起性好施予族有未室未字未葬者悉助舉其事又置祭田費數百金人皆義之太平府志

戎良炳當塗庠生母病數載晨夕扶持不懈析居隨兄弟自擇中年目盲踰八載夢神人以水洗之遂復明人以爲孝友之報太平府志

李元臣當塗人父病割股療之友愛兩弟周給族鄰同邑居在

位年十八父病割股救之得愈太平府志

趙承璜當塗人母卒廬墓三年同邑高宗儀母喪疏食三年不入寢室忌日哀泣終其身又劉可起侍祖母疾日夕不懈及卒廬墓三年太平府志

葛天祐當塗庠生已聽兄析爨數年兄業廢母甚憂之乃復迎兄共爨以慰母心太平府志

于科昌當塗庠生性至孝母疾侍牀褥者七載親澣廁踰及卒三年不離墓側太平府志

夏瑞芳當塗人居父喪勺飲不進者五日母病水漲醫刺脅下

瑞芳吮之毒水盡而母愈兄歿姪堅請析居不得已盡以田產付之囑善守而出營貿易以自資子名時亦以孝友稱瑞芳病危割股以進得愈太平府志

秦天爵當塗人母病危禱天求代忽夢神謂曰羚羊角投之可愈如其言果痊父母卒廬墓三年太平府志

沈文速當塗人年十二母病刲股救之得愈後又病復刲股愈之太平府志

趙怡當塗庠生六歲就傳讀朱注善事父母起問師曰事父母

若何為善師大奇之娶婦三日母病十旬不入私室叩神求代

夜夢白衣人曰當即瘥尋愈年未三十卒臨終無他言但語其

弟曰善事父母乾隆二年

旌表建坊太平府志

朱士禔繁昌人乾隆二十九年以孝行

旌表建坊繁昌縣志

胡嘉源當塗人少喪母繼母臥病十餘年與妻王氏奉侍無倦

母曰子孝易婦孝難汝善遇之母卒王亦哀毀卒嘉源遂不更娶父病禮斗虔禱父尋愈太平府志

朱兆安當塗人家貧傭工養母母歿結廬墓側晝傭夜宿夏蟲

冬雪三年如一日異徵甚多太平府志

孫成雷繁昌諸生七世同居闔門百數十人藹然孝弟毫無閒

言繁昌縣志

余元琮繁昌貢生童年刲股愈母疾同邑吳文焯父廷寵以父卒病不能興文焯時年十三刲股以進得瘳又從士貞年十三父癱廢諸醫莫效士貞刲股愈之又趙良珮年十四亦刲股以愈父疾太平府志

吳純美繁昌諸生其父愛杏手植數株父卒純美過樹下輒攀條流涕嗚咽失聲有弟亡數載後乃以次子告先人墓立為嗣

人訝其遲純美泣曰前未析箸今始無嫌耳太平府志

周原慶繁昌增生與兄原廣弟原庶皆以孝友稱父卒同心事

母廣庶常外出貿易原慶獨侍以勞成疾且病噎醫言虎肚可

愈庶歸盛夏入山倩獵虎人捕之竟得虎以肚飼兄果愈慶庶

先卒廣撫諸姪如所生一門孝弟為難得云太平府志

劉漢侯繁昌人與弟廷士腐豆為業兄弟日一餐而奉母必具

甘旨母偶患必長跪俟解後起破屋一閒母子同榻母又癱廢

每出力作必留一人侍母因是家益窮而事母益謹母歿漢侯

以毀卒廷士偶與人語及母兄則涕泗交頤不自禁太平府志

姚雲龍繁昌農夫父母卒廬墓三年繁昌縣志

周世傑繁昌人幼失母事繼母孝及卒廬墓三年繁昌縣志

汪蔚繁昌人室遭鄰火已負父出復突火入救母遂與母俱死

火既熄猶負母僵立如生太平府志

蔡芳繁昌武舉父疽發於背醫謂剗其敗肉乃可治芳泣曰父

痛若此安忍復膺此巨創耶乃跪吮其毒一晝夜毒盡而痊芳

未幾卒人皆惜之太平府志

吳秉默當塗人父患失血症秉默每侍湯藥竟夕不眠焚香禮

斗祈以身代父遂愈嘗隨至繁昌舟行遇風父失足墮水秉默

即躍入水抱父出俱免人謂孝感太平府志

丁大儀當塗庠生父病割股愈之當塗縣志

曹孝子蕪湖人失其名母病割股以進得愈孝子體孱竟以創

痛而卒同邑方國紀父病禱天求代亦剗股以進得愈蕪湖縣志

邱遵聖蕪湖人少失怙恃依祖以居祖病疽奉侍不解衣帶頻

以口吮其毒祖卒號慟行立坐臥忽忽呼吾祖安在終其身如

一日乾隆四十八年

旌表建坊

蕪湖縣志

李兆衍字蕃蕪湖人授職鹽大使九歲父病奉侍湯藥無惰容及卒不茹葷酒食粥三年後母歿合父營葬廬於墓側所著龍山草沈德潛序之謂其有聲有淚平居嗜學藏書乾隆癸巳

詔求遺籍兆衍呈百餘種多錄入四庫目錄

蕪湖縣志

承一清蕪湖人母病痢穢溺必親拭之其妻請代一清泣曰我襁褓時母誰代之夜則焚香告天請長齋以祈母壽病果痊卽茹素不入私室及卒廬墓族人強之歸意忽忽若有所失未幾遂卒

蕪湖縣志

邢子魚蕪湖人父字耀亭以孝事祖母聞子魚至性過人父病膈日夜禱神願以身代見病亟不知所出潛爲文赴宗祠焚之

號痛委地竟不能起立而卒其父胸次忽如石下痼疾頓愈眾

咸驚異

蕪湖縣志

孫有聲當塗貢生早失怙事母極孝母疾嘗藥禱天求代及卒哀毀幾絕有白鳥翔庭之異性尤好義族鄰貧難婚嫁及鬻子女償逋者必多方爲之完聚

太平府志

童天御當塗人性孝友兄弟六人析居後貲不中人一弟家落託言服賈旬天御貸二千金天御爲措置應之後年餘始知其購田爲衣食計也天御一笑置之不復問

當塗縣志

邢道光蕪湖人嘉慶十六年以順孫

旌表建坊

蕪湖縣志

汪士英繁昌人割股以愈父疾同邑諸生強萃強應俞凌雲吳敬恩吳灝陳修夫汪天求汪際鑑皆以割股救父聞

繁昌縣志

從士允繁昌人割股以療母疾同邑李正齡劉文彬皆以割股救母聞又郝士鑾年十三余觀光年十五劉宗向年十四皆割股救母又諸生盛定仁年十六割股救母劉培童年割股救親

繁昌縣志

陳文泉繁昌增生割股救母其妻方氏亦割股救文泉疾同邑

徐紹恂割股救祖母疾踰年又割股療祖強永錫三次割股愈

母疾強聲遠魯其戲吳美齡皆兩次割股愈母疾又諸生劉祈

胡清割股救母又徐一旭割二乳以愈母疾

繁昌縣志以上舊志

吳邦甯字康士當塗人孝父母友兄弟累世同居一鄉坊表

縣志以下新修

李殿鏞字宏聲當塗廩生父歿嘔血數升絕水漿七日而卒

縣志

詹家廣當塗人少孤樵薪養母母歿攜于廬於墓側

當塗縣志

彭國椿當塗人母歿父老孝養備至迨父歿合葬遂廬墓側

縣志

謝正銀當塗人母歿父存不能廬墓立木主日夜奉事如生年

未三十先其父而卒

當塗縣志

唐庚字鎮西當塗監生年十三侍母病有孝童稱父翽病越數

十里乞醫藥晚歸墮溝中若有人掖之起者進藥父尋愈繼母

趙病衣不解帶趙卒哀慟盡禮有白鳥集靈之異學使白裕嘉

其行給詩協陔笙額有手輯孝行彙編忠孝論略光緒三年

旌表建坊

當塗縣志科鈔

張杓字步樞當塗優貢事繼母暨寡嫂孝禮兼盡教育諸弟姪

成立官廣德訓導盡以俸金代償弟累不足復售產益之家譜

重修安徽通志

卷三十四 人物志

孝友

五

太平府

舊軼杓極力倡修未竟卒子紹彝庠生踵成其事當塗縣續冊

王文炳字蔚卿當塗優貢教習知縣母患乳巖潰腐不可近文

炳日夜左右侍奉口吮其毒封股以療又虔求方藥三載獲愈

著有四書五經古音考說文微言當塗縣志

唐金科字莘田當塗監生父允球有義行金科承父志行之益

力父歿事母能體至隱水災後家計窘迫恆變質衣物以供甘

旨母怡然不能知也弟金鑑附生亦以孝友稱當塗縣志補冊

朱汝桂字月坡當塗舉人少孤貧力學事母至孝嘗焚香籲天

願減壽以益母迨母年九十餘桂亦六十轉徙異鄉負母徒行

疲憊不稍息母歿以哀毀卒當塗縣志

李干城字舜卿當塗舉人幼喪父母事嗣母金氏如所生金患

泄瀉足痛干城研究方書侍奉左右達旦不眠者數旬後金歿

於荆溪痛哭嘔血扶柩遇賊備歷艱險始克歸葬當塗縣志

夏格敦字復初當塗人母病乳癰割肱愈之夏所文集

強配昌繁昌人嘗割股療母咸豐六年鬪賊而死繁昌縣志

李恆發繁昌人道光中割股療父咸豐初遇賊死難繁昌縣志

趙楷昌當塗武生父被賊偏楷昌往救被縛投水死又楊有進

母被賊偏投水進從之死當塗縣志

陳文英當塗廩生少孤事母至孝賊至侍母病不去賊憐之贈

以金米不受絕食死當塗縣志

陳煥當塗附生負父逃難蘆洲遇賊父被害煥投水死當塗縣志

韋道本當塗人父應方禦賊陣亡道本同弟道聘往救均遇害

又陶士侖同弟士全士合因父鑄賢督團拒賊陣亡往救均死

之胡承讚同弟承詵承許因父克裕督團遇賊被害均不食而

死當塗縣志

汪維新繁昌監生成豐中與汪程凌均各負母避難遇賊被害

繁昌縣志

李雙保兒當塗人見父被賊害奪刀自刎當塗縣志

洪以明繁昌人賊至護母均被害繁昌縣志

侯繼健蕪湖人兄報元遇賊繼健求代被害報元得免蕪湖縣志

高發榮繁昌人咸豐八年因救父兄殺數賊而死繁昌縣志

